

本草彙言

本草彙言卷之十三

錢塘

倪朱謨純字甫選集

男倪洙龍冲之氏增補

鄭元復子來甫校正

石部

鹵石類

鹽味鹹氣寒無毒可升可降陽中陰也通行上下表裏一

十五經

沈氏曰鹽有五種海鹽井鹽嶺鹽三者出於人池鹽崖
鹽二者出於天此外皮鹽生於土石鹽生於石木鹽生
於樹蓬鹽生於艸也李氏曰海鹽取海鹵煎煉而成今
遼冀山東兩淮兩浙八閩廣南所出是也井鹽取井鹵
煎煉而成今四川雲南所出是也嶺鹽刮取嶺土煎煉
而成今并州河北所出是也池鹽疏地為畦墾而墾
之引清水注入待夏秋南風大起一夜結成今河東安
邑西夏雲州惟解州種之是也崖鹽生於土崖狀如白
藜又名生鹽今階州鳳州所出是也此五種皆食鹽也
能如决北戎鹽西羌石鹽胡中樹鹽東林草鹽此造物

生成之妙。誠難殫知也。然出處雖有多種。而主治功力。亦不相遠。倪朱謨曰。予生南地。且以南鹽論之。按李時珍先生綱目云。南鹽煮海水作之。謂之澤鹽。又謂之海鹽。湧泉坑。上布竹木。覆以蓬茅。積沙于上。每潮汐衝沙。則鹵淋于坑中。水退則以火煎之。鹵氣衝火即滅。因取海鹵貯盤中煎之。頃刻而就。其煎鹽之器。或鑄鐵為之。或以編竹為之。上下周以盛灰。其器橫丈漢尺。平底置於窰口。謂之鹽盤。○又山西一種鹵鹽。秋間生鹵。遠望如水。近觀如積雪。土人刮取。熬之為鹽。微有黃色。柳鹵鹽也。

○食鹽和陰。回陽引吐。化食消癖。定疝去風熱。明目疾。開

關格利二便之藥也。經曰。熱淫於內。治以鹹寒。正此之

謂也。人之受命。非飲食不生。非蔬菜不養。蔬菜非五

味不為羹。五味無鹽。則不能調劑。以奉養生身。故周禮

鹽人掌鹽之政。以供祭祀。羞王公。上裕國計。下濟民生。

其用非淺小也。方藥需用甚多。而奏効亦復不少。今發

吐藥用之者。鹹引水聚而上逆也。化食藥用之者。鹹通
停滯而潤下也。消癖藥用之者。鹹能去垢而逐積也。定
疝藥用之者。鹹能止暴而緩急也。和陰回陽用之者。鹹
能升清降濁。逐邪以輔正也。去風熱用之者。鹹爲水母。
水化而風熱自降也。明目疾用之者。鹹爲水精。目爲水
神。精與神合。而目自明也。利二便用之者。鹹能潤下。而
通結也。諸癰疽腫毒用之者。鹹走血而解毒也。諸蠱毒
及百蟲咬傷用之者。鹹能解蠱毒。鹹能殺蟲毒也。開關
格用之者。鹹氣上升。而鹹味下降。升上而復降下。關格
安有不通者乎。又論服補腎藥。而用鹽湯者。鹹歸腎。引
藥氣入本藏也。服補心藥。而用鹽炒者。心苦虛。以鹹補

之也。服補脾藥而用鹽製者。虛則補其母也。素問曰。鹽走血。血病無多食鹽。多食則脉凝泣而變色。今西北人食不耐鹹而多壽。少病。東南人食必用鹽而少壽多病。則食物中固不可缺。似宜少用爲佳。凡喘嗽水腫消渴者。宜全禁之。或引痰吐。或泣血脉。或助水邪。故也。鹽收豆腐亦引水聚之意。然以浸魚肉則經久不敗。以沾布帛則易致朽爛。物各有宜忌。識者當悟此理。

○集方治陽脫虛證。四肢厥冷。不省人事。或小腹緊痛。冷汗氣喘。用鹽炒熱熨臍下氣海。用此方能和陰回陽取効。○治中惡腹痛。或中蠱吐血。或中痰眩暈。或中食腹脹。用鹽二兩炒熱泡湯二鍾。乘熱飲之。得吐而愈。○治

食積不化。鹽生用泡湯乘熱飲。○治食酒肉過多。脹

滿不快。用鹽花擦牙溫水漱下。二三次。卽如湯沃雪也。

○治痰飲成癖。用鹽五錢炒。膽星半夏各一兩。乾薑六

錢。三味俱炒燥研末。後和炒鹽神麴末打糊爲丸。如梧

子大。每早飯後服二錢白湯下。○治男子疝核痛。婦人

疝瘕痛。用鹽三兩炒熱熨小腹。其痛立定。○治風熱牙

痛。用槐枝煎濃湯二碗。入鹽二兩攪清。澄去底脚。用槐

枝湯煮乾。取白鹽。日用擦牙。○治目昏生翳膜。大利老

眼。用鹽以百沸湯泡澄去底脚。磁鍋熬乾。有白花起。入

淨磁瓶收貯。每早擦牙。或用清水一點調鹽花半米許。

點兩目眥內。○治關格不通。用鹽炒微熱。以布包前後

先揉熨鹽冷再微熨不可太熱如此揉熨十數轉漸通

③治二便不通用鹽二兩和水一桶作湯傾入盆內扶

病人坐湯中揉摸小腹湯冷和入熱湯半時許立通

續補集方治金瘡中風用鹽半升炒熱取一二匙着瘡

上冷即更着一日勿住手大効○治乾霍亂上不得吐

下不得利腹絞痛大汗出脹悶欲死用鹽二兩炒黃色

白湯一升童子小便一鍾乘熱一氣吞下即吐下立愈

如不吐下更作○治心腹卒時脹堅痛悶欲死用鹽一

兩白湯一升沖和一氣飲得吐下即定不吐更作○治

一切脚氣疼痛用鹽雷爛每夜擦腿膝至足半時許以

熱湯淋洗用五七次○治諸病兩脇肋脹痛用鹽炒熱

布包熨之。○治卒中尸遁其狀霎時腹脹惡悶沖心。或

有塊起或牽腰脊取鹽一撮調白湯二碗一氣吞下取

吐立止。○治妊婦心痛不可忍取鹽一塊燒紅白湯調

服。○治胎孕逆生用鹽一撮搗爛擦妊婦兩肋窩并兒

足底以一指搔之即順。○治小兒不尿安鹽一撮於臍

中以艾丸鹽上炙之三五壯此方并治臍風撮口。○治

無故精漏不止用鹽一兩鹽泥固濟火燒一日用白茯

苓山藥各一兩五錢炒燥共爲末和燒鹽棗肉爲丸梧

子大每用百餘丸棗湯下。○治喉中小舌垂長半寸名

帶鍾喉風用鹽一塊火燒赤用筋頭頻點之即消。○治

風病耳鳴用鹽一升炒熱以耳枕之冷即易。○治身體

肌肉表裏如蟲行用鹽一斗水一石煎湯入缸中浴之
三四次亦療一切風氣○治蜈蚣蛇蝎蜈蚣蚯蚓羌青
斑蝥蜂蠆蜘蛛黃蠅螞蝗鼠火龍鼈等并一切惡毒禽
獸蟲魚諸物咬傷先用鹽湯洗後用鹽一撮和風化石
灰一撮拌勻掩傷處用軟帛縛住不痛不悶并無毒氣
內攻倘有危惡轉重者隨用艾丸量傷處大小即於鹽
灰上灸七八壯永無他慮○治潰瘡科補作瘡以鹽一撮搗
爛蘸少許摩其毒口四圍即止

○戎鹽味鹹甘氣寒無毒

盧氏曰戎鹽即青鹽亦赤鹽也開氏曰史書言虜中鹽
有九種曰白鹽食鹽駁鹽胡鹽柔鹽黑鹽赤鹽臭鹽馬
齒鹽而胡鹽即戎鹽也大氏曰戎鹽在沙崖山坡之陰
上石間大小不常形作塊片間有方稜或如鷄卵或如

菱米堅結如石色玄紫白味不甚鹹臭若蝦蟇之氣燒之不鳴炗者其也又謂云鹽山二色赤丹黑漆煖成龍虎備之為吉可以辟惡可以療疾張果云赤戎鹽生西戎稟自天然水上之氣結而成質不假人力煎煉其地水土之氣黃赤故鹽亦隨土氣黃赤也味淡于石鹽力失陽精火中燒之乃紅赤凝定時色益赤者為真再燒之最久赤轉為青矣故一名落鹽西京記云有青鹽池出青鹽正方寸半其形如石味甚甘美真臘記云山間有石味勝于鹽可琢為器梁杰公傳云交河之間掘磧下數尺有紫鹽色紫鮮而味甘其下又許必有鹽珀北戶錄云張掖池中生桃花鹽色如桃花隨片盈縮今寧夏近涼州池鹽所出青鹽四方皎潔如石此二鹽者即戎鹽之青赤二鹽也今方書但用青鹽不用赤鹽其目赤鹽為異物矣本草云北海產青鹽南海產赤鹽總從西戎來所謂南北者指西海之南北耳嶺南一種紅鹽用色染成非真赤鹽也燒之出自汗凝定仍轉白色矣

○戎鹽主治病能與食鹽同功但出天成不假人力煎煉而味鹹兼甘似勝食鹽一倍也茲不復贅。

○凝水石味鹹辛氣寒無毒入足陽明胃經。

本草綱目卷之二十三

別錄曰：凝水石，鹽之精也。色如雲母石。可析者，出并州之平定縣。郭景純云：南齊書云：平定縣之平定山，生石如地，積鹽之下，林茂參入土中，年久結而成石，有齒稜如馬牙，補清瑩，夏末積亦有帶青黑色者，至暑月，則潤入水浸久亦化。夏月研末煮湯入瀉，則懸井底，即成凌冰。蘇氏曰：出同州韓城及河東汾州及德順軍，亦有青色。文理橫如雲母者為良。出澄州者文理斜而色白者次也。修治用鹽水和，水煮乾研粉用。外有一種冷油石，與此酷相似，但投沸油鎔中，油即冷者是也。此石性冷有毒，誤服令人腰以下不能舉。

○凝水石解胃火去伏熱之藥也。聞人氏曰：經云：小熱之

氣涼以和之。大熱之氣寒以取之。又曰：熱淫於內，治以

鹹寒。此藥味鹹，氣寒，生於鹵地，稟積陰之氣而成，善治

一切伏熱五臟六府積熱。天行時氣疫熱煩滿消渴，小

便淋閉，并丹石藥毒諸疾，但陰寒沉降之性能除有餘

邪熱如陰虛火熾，胡熱骨蒸咳嗽多痰，并脾胃作泄者。

勿服。

○集方治五藏六府積熱天行時氣疫熱以致煩滿消渴

方脈正宗

用凝水石石膏滑石各五錢甘艸三錢研末每服一錢

白湯調服。○治丹石諸藥毒用凝水石一兩研極細每

用二錢菜豆湯調服。○治小便淋閉不通并男女轉脬

永期方

不得小便用凝水石二兩滑石一兩冬葵子八錢共爲

末水五升煮二升五合時時服。○治小兒丹毒皮膚熱

赤用凝水石五錢水調和猪膽汁塗之。○治湯火灼傷

用凝水石研末傅之。

○玄精石味鹹氣寒無毒。

蘇氏曰玄精石出解州及通秦州所積鹽倉地中多有之李氏曰是鹽鹵津液流滲入土年久成石大者如杏

本草蒙言

一卷十三凝水石 玄精石

六

葉小者如魚鱗皆有六角形如龜背又如扁圓棋子其色青白有光者佳叩之則直理而拆浸水中亦能化解今蜀中赤鹽井之液所結者色稍紅非若解池之色青白耳今天下所用玄精石多是絳州山中所生絳石水浸不化此係坊中偽

石非真玄精石也

○玄精石消熱痰化積聚蕩目翳止頭風頭痛之藥也李

氏曰此藥稟至陰之精與鹽同體其味鹹其氣寒其性

降其形六出象老陰之數也同硫黃硝石治上盛下虛

升降不順有扶危拯逆之功故申鐵鑊入來復丹用之

取其寒以和硝硫之熱也成氏之消熱痰開竅之化積

聚普濟之去目翳千金之止頭風頭痛者皆本於結熱

為病之取用焉倘屬陽虛胃冷之疾自當迴避如寇氏

方之治陰證四肢逆冷狂言煩渴者此指邪熱傳陰之

證也。設屬直中。安敢言此乎。

○集方

方脈正宗

治肺胃蘊熱生痰。用玄精石研極細。每服三分。煉

蜜一匙。和白湯調下。

○治心腹積聚。

同上

因熱結者。用玄精

石一兩。

研極細。

紅麴三兩。

炒為末

山藥糊為丸。梧子大。

每服一錢。

薑湯送下。

○治目生翳障。

朱氏集方

用玄精石五錢。研

極細。

用簪腳蘸點目中。

○治赤目失明。

朱氏集方

并內外翳障。用

玄精石。

火明各一兩。

研極細。

麝仁二兩。

共研勻。和羊

肝并膽汁。

七個。搗爛為丸。

梧子大。

每服三十丸。

甘菊花

十朶。

泡湯送下。

○治頭風頭痛。

同上

用玄精石一兩。研極細。

入羊膽中。

陰乾。水調一字。

食後服之。

又千金方。

用一分。

吹入鼻中。

○治傷寒。

日本

天行疫疾。

三日。

頭痛壯熱。四肢不

利用玄精石硝石硫黃各二兩蓬砂一兩俱研細入土
確內鹽泥固濟以炭火一觔於確子周一寸煖之約近
半日時候候泥確青紫色住火待冷取出入淨磁瓶中
埋屋內地地下二尺煖二七日取出研末麵糊爲丸雞豆
實大每服二丸燈心湯送下。○治上和氣盛下虛寒裏寒外熱
伏暑泄瀉下注如水用玄精石研細硝石硫黃各一兩
二味入鐵盞內以米醋拌濕微火炒以竹箬不住手拌
攪火不可太過研極細五靈脂水飛去沙石晒乾青皮
陳皮各二兩三味俱微炒共爲末次入玄精石末及前
硝硫末拌勻好米醋打大麥麵糊爲丸梧子大每服三
十丸溫米湯下。

朴硝

又名味苦鹹氣大寒無毒沉也陰也降也通行腸胃

十二經走藥

別錄曰水硝生益州山谷有鹹水之處李氏曰此物見水即消又能消石化諸食故謂之硝生於鹽鹵之地狀似未鹽凡牛馬諸皮須此治熟煎煉入盆凝結在上。有鋒芒者謂之芒硝有牙者謂之馬牙硝凝結在下。成塊者謂朴硝以芒硝牙硝再四煮煉凝如水雪者謂之玄明。發以芒硝牙硝懸掛風處吹去水氣淨謂之風化硝也。義海再四考究水硝有三品生西蜀者俗呼川硝最勝。生清東者俗呼鹽硝次之。生河北青齊者俗呼土硝皆生於鹽鹵之地土人刮掃煎汁經宿結成狀如未鹽猶有沙土很雜其色黃赤須再以水煎化澄去渣脚人雜。苗數枚同煮熱去雜苗傾入盆中經宿則結成白硝如冰如蠟呼為盆硝者衛之硝則底多而上生細芒如蜂。別錄所謂芒硝是也川硝之硝則底少而上生牙尖如圭角作六稜狀橫明白可愛嘉祐所謂馬牙硝是也。二硝之底則通名朴硝也取二硝置之風日中吹去水氣則輕白如粉即為風化硝取二硝同甘草再四煎煉凝升蝦則為玄明粉。陶弘景及唐宋諸人皆不知諸硝為一物但分精麤之異因名失實謬度亂猜殊無

不得請言

不

在大陰下

○芒硝化積聚破留滯消熱脹通利大小二便之藥也薛

氏曰此藥稟天地至陰極寒之氣所生乃太陰之精以消物爲性故能去積聚留滯脹滿行大小二便等證成氏曰經云熱淫於內治以鹹寒氣堅者以鹹軟之熱盛者以寒消之故張仲景大陷胸兩承氣湯皆用此以取其鹹寒潤下而降去實熱固結不通之病耳苟非裏實燥熱秘結不通之證當斟酌行之

○方龍潭先生曰辛能潤燥鹹能軟堅芒硝辛鹹化腸胃蘊熱燥隔秘結又通經絡行留血墮胎破孕通淋利濁推陳致新莫可加也然雖墮胎妊娠傷寒有熱盛邪堅

在所必下者。用此潤燥。與堅熱瀉。而母子俱安。所謂有故無殞是也。

○繆仲醇先生曰。硝者消也。五金八石。其堅莫比。惟硝能消之。苟非大辛。至鹹極苦。最烈之味。其能消化之乎。窵其芒硝功用。無堅不磨。無結不散。無熱不蕩。無積不推。可謂直往無前。性無留碍之物也。別錄謂煉餌服之。輕身神仙。失其本矣。故仲景於諸承氣湯。用之。非邪結下焦。堅實不可按者。不用。恐其伐真陰故也。病不由於邪熱深固。閉結難通。斷不可輕投。至於血涸津枯。以致大腸燥結。陰虛精乏。以致大熱骨蒸。火炎於上。以致頭痛目昏。口渴耳聾。咽痛吐血。衄血。咳嗽痰壅。虛極而似。

實等證。切戒勿施。至如唐玄宗所召道士劉玄真。謂取
芒硝煉成玄明粉服之。遂無病長生。中所載有益精壯
氣助陽補陰。不拘丈夫婦人。幼稚襁褓。不問四時冷熱。
俱治之說。廼是荒唐不經之語。不識本草何緣載入。豈
歷代董修儒臣。本不知醫。但廣異聞。未暇覈實。而誤收
之耶。正所謂盡信書。則不如無書也。

○集方治積聚久着不化。用水芒硝二兩。每早服五分。白
湯沖服漸消。○治胸膈并腹有積熱內脹。用水芒硝一
兩。如治積聚同法。○治大小二便不通。閉脹欲死。兩三
日。卽殺人。用水芒硝一兩。泡湯一升。服取吐卽通。○治
傷寒表邪內陷。心下因鞭。則爲結胸。以大陷胸湯用大

黃六錢。水芒硝一合。其遂一錢。以水二大碗。先煮大黃去滓。取七分。入水芒硝。煮一兩沸。次入其遂末。攪勻。溫服。得快利。止後服。○治傷寒七八日後。邪結下焦。少腹按之堅痛者。宜下之。大承氣湯。用水芒硝一合。大黃一兩。酒洗厚朴二錢。枳實一錢五分。以水三升。先煮厚朴。去渣。取七分。後入大黃。煮十餘沸。再入水芒硝。煮十餘沸。傾出。溫服。得下。餘勿服。本方去水芒硝。名小承氣湯。本方去厚朴。枳實。加甘草四錢。名調胃承氣湯。三承氣湯。統治邪熱內結。大便不通。量病輕重。擇取。○治傷寒邪熱失汗。蓄血少腹。或先因內傷。留血下焦者。用桃仁承氣湯。下之用桃仁十個。去皮。大黃五錢。甘草三錢。

桂枝五錢五分。水芒硝、土錢先四味以水三升煮熟去
滓。取七合。再入水芒硝更上火微沸傾出。溫服當微
利。○治死胎不下。用水芒硝三錢熱湯沖服立下。

續補集方治暴赤時眼。用水芒硝五錢和銅青二分。泡

湯頻洗。○治小兒重舌。用水芒硝研細末塗舌上下。三

日効。○治小兒鵝口。用水芒硝研末搽舌上。日三次効。

○治風熱喉痺及纏喉風。用水芒硝、火芒硝各五錢銅

杓內炒待冷。配白礪砂三錢共研極細。用米醋調以鷺

羽蘸藥塗喉內吐涎即通。

○風化硝味鹹甘

李氏曰以芒硝置子簾下。無雨露處。風日中吹之。水氣
漸散。日成輕粉。白粉所裝入黃牯牛膽殼內待硝滲出

皮外諸病
收取最妙

○風化硝治上焦心肺痰熱之藥也。李氏曰：此藥體重降下。經風日吹蕩，飄散陳氣，則轉重為輕，出沉為浮，主胸膈心胃肺府一切風火浮越之疾。如小兒痰熱惡驚，大人冒暑發暈，以白湯化服數分，立甦。

○玄明粉味鹹辛，氣寒無毒，沉而降，陰也。入手少陰足厥陰陽明經。

李氏曰：製玄明粉法，用淨芒硝十觔，長流水一石，重湯煎白蘿蔔十觔切片，同煮熟，濾淨蘿蔔，再煮芒硝，一觔同煎，濾去其汁，取出，將凝裝上，紙包內，葉實盛之，置泥臼內，踏身，厚半寸，不益口，置爐中，以炭火十觔，文至武，武至文，待沸定，以鐵匙益口，以鐵匙盛，再取，以五觔，再火煎之，故令一伏時，取出，馬紙三張，盛之，再取，以水淨磁瓶收貯。

○玄明粉開結潤燥通利大腸之藥也。方氏曰：此藥治一切火熱爲病。凡心熱煩躁，譫語狂言，腸熱結燥，宿垢積滯，痰熱壅塞，關隔不清，目熱昏澁，腫赤癢痛，胃熱牙疼，齒根浮脹，及喉痺乳蛾，脹閉不通等證，此鹹寒之物，潤燥爽堅，通閉滑滯，一切熱毒悉能治之。凡三焦腸胃實火積滯者，服之速効。若脾胃虛寒及陰虛血虛虛火妄動者，切禁用之。

硝石又名味苦氣溫有小毒陰中陽也

別錄曰火硝生益州山谷及武都隴西西羌等處馬氏曰今南北東西所在諸山澤有鹹土處皆有地上有霜清晨掃取以水淋汁煎煉而成白雪李氏曰諸山地皆產之而河北慶陽山東諸縣及蜀中尤多秋冬間遍地生白掃取多有泥土混雜不潔以水淋汁煎煉結于盆底者狀似朴硝在上者或有鋒芒稜角亦有芒硝牙硝之名其朴硝同稱而水火之性各異也丹爐家川制五金八百銀工用化金銀兵家用作烽燧火藥得火即焰起陳氏曰二硝自晉唐以來諸家都無定見不知硝有水火二種形質雖同性氣迥別今以前古朴硝硝石為正朴硝水硝也有二種煎煉結出之細芒為芒硝為牙硝凝結盆底者為朴硝也硝石火硝也亦有二種煎煉結出之細芒亦名芒硝牙硝凝結盆底者為硝石但二硝初生尚地時消石色白易煉朴硝色黃赤須再三煎煉方始成也火硝煎熟入盆內瑩白如雪上聚黃水取出入鍋再煎成鹽名硝鹽魚肉不壞屠場家多收之

○硝石治陰伏陽格寒熱兩逆開結閉破積聚之藥也土宿真言曰此物感海鹵之氣所產得火則煇入地千年

其色不變制七十二石能化爲水伏草木柔五金煉八石大丹不啻此也。兵家用作鉞機橫衝百里直入雲漢其性升達可知矣。此與朴硝形質雖同性氣迥別。水硝其性下走陰中之陰也。故惟蕩滌腸胃積滯折扣三焦實火。火硝其性上升水中之火也。故能破積散堅升散三焦火鬱。調和藏府虛寒。與硫黃同用則有升降水火之功。治冷熱緩急之病。煅制礞石則除積聚痰飲。蓋硫黃之氣熱而下行。礞石之性寒而下行。硝石之性熱而上行。一升一降一陰一陽。此制方之妙也。如入來復丹。療寒暑不調。裏寒外熱。或腹痛如絞。泄瀉如水。甚至六脈欲脫。四體如冰。服之回陽返陰。升降順理。阻逆旋通。

而卒病暴絕之證自甦矣如病非陰逆陽阻而屬真陰虛其陽脫漸至脉絕肢冷者急宜大劑參附佐以薑歸其朮等類庶可回生又非硝硫開劫之力可奪也

○集方治諸心腹卒痛用火芒硝一錢硫黃五分研細末醋煮過每服三分溫湯調服○治頭痛欲死用火芒硝研細末吹鼻內卽愈○治重舌蛾口用火芒硝研細以竹瀝調點腫處○治風熱喉痺及纏喉風用火芒硝五分研細以米醋調用鷲羽蘸醋拂喉間吐涎卽甦○治伏暑泄瀉用火芒硝船上硫黃各一兩生明礬滑石各五錢俱研細用米醋一碗鐵杓內煮乾研極細末紅麴二兩打糊丸梧子大每服五六十丸溫湯下○治女勞

黑疸身黃額黑膀胱急小腹滿小便黃大便黑足下熱
用火性硝枯白礬各等分研為末以大麥粥汁和丸早
晚各服三錢白湯下。○治產後瘀血不行腹脹悶痛如
有物直築心胸甚至昏暈欲死身熱煩燥者用火芒硝
舶上硫黃各十兩共研末米醋十碗煮乾滴乳香真
藥各四兩瓦上焙出油研末五靈脂五兩水澄去砂土
淨晒乾木香二兩研末六味共研細末以米醋打麥麴
稀薄糊為丸如彈子大每丸重一錢臨證白湯化下。○
治上盛下虛裏寒外熱中暑泄瀉或暈倒昏不知人冷
汗自出手足微冷或吐或瀉或喘或滿以來裏冷和蘇
合香丸各一九用溫滾湯調服水復見。○三條下

硃砂味鹹苦辛氣熱有毒

蘇氏曰硃砂出西涼夏國及火州今河東陝西近邊州郡亦有之然西戎來者顆塊光明大者如拳重三五兩小者如指頭入藥最緊邊界者雜碎如麻豆粒頗夾砂石雖可水飛澄去入藥則力稍減李氏曰硃砂乃齒液所結亦硝石之類出於青海與月華相射而生附壁而成質與人采取淋鍊成砂狀如鹽塊以白淨者為良其性至透五金藉此以為先鋒用煎鑪盛懸火上則其燥若近冷及得濕即化為水或滲失而走也張匡鄴云高昌北庭山中常有烟氣湧起而無雲霧至夕光照若炬照見人形并禽鼠皆赤色為火烟山采硃砂者著木屐取之若履底皮革為者即焦敗矣服之使人硃亂故名一說西土置鹽肉以代鹽用食之又無害豈久與性習耶寇氏曰修治用水飛三次去塵土淨再用米醋煮乾如霜馬下用之冬瓜白蘿蔔烏梅肉牡蠣粉海螵蛸五種能伏硃毒

○硃砂化積聚攻瘰癧去死肌消肉食脹滿之藥也李氏

曰此藥大熱有毒之物唐人治噎膈反胃積塊內癥之

疾用之則有神功并除目翳努肉瘰癧疣瘡其性善爛金銀銅錫況人腹中有久積豈不腐化蓋此疾皆起於七情飲食所致痰氣鬱結遂成有形妨礙道路痛脹吐食非此物化消豈能去之觀庖人煮硬肉以礪砂浸水入少許卽爛可類推矣多服能腐壞腸胃生用能化人心爲血此係無妄之劑非若良性草木平掌藥石之比司業者當慎擇而取之毋嘗試也如藏器方治欬嗽瘵瘦羸補水藏暖子宮又經驗方久服令人能食肥健此真失心病狂之語萬勿信從

○集方治噎膈反胃用礪砂二錢研細水飛三次和蕎麥麵包之燒焦待冷取出入攪櫛三錢另丁香二個研極

細每服五釐。燒酒調下。日二服。○治目翳不退并努肉
脹突用杏仁百個。煮熟去皮尖。研細入硃砂一錢。製法如前
與杏仁一總研極細。臨用時取水一點以簪腳蘸杏仁
末半米許點目中。努肉盡落。○治面上疣目。集效方用硃砂礪
砂鐵鏽各等分。研細末。取少許擦三次自落。

神化丹消癥積。破血塊。下鬼胎。通經脈。及諸痞積氣塊。
用硃砂乾漆炒。血竭各三錢。乳香紅娘子二十個。去翅
斑。猶二十個。去翅足。共爲細末。棗肉丸如豌豆大。每服
一丸。至三五丸。臨臥時用淡薑湯吞下。

磨癬膏用硃砂胡黃連三稜莪朮各五錢。麝香二錢。俱
研極細末。聽用。再用桃仁四兩。亂頭髮四兩。生豬腦子

八兩。桐油八兩。香油四兩。先將桐香油熬滾。入桃仁。亂髮猪腦子。文武火熬。以腦子盡。用麻布濾出渣。次下飛過黃丹十四兩。白蠟五錢。熬成膏。待溫。再下前硃砂。胡黃連等五項藥末攪勻。收貯鐵杓內。勿令泄氣。如有積塊。用絹帛攤藥貼上。後用鞋底炙熱熨之。四五十遍。覺內熱烘烘。方止。其瘡卽自消縮。

蓬砂味苦辛。其氣溫無毒。沉也。降也。入手太陰足陽明經。

蘇氏曰蓬砂出南番西戎狀甚光瑩有黃白二種南番者其色褐其味和其効速西戎者其色白其味焦其効緩皆是煉結所成如雜石類藥物去垢制汞啞銅殺五金八石與硝石同功今銀工用作錐藥牢固不脫

○蓬砂化結痰通喉閉去目中翳障之藥也李氏曰此屬

鹵石之劑其性能柔金石而去垢膩體雖重堅而氣質

輕清故本草散上焦胸膈之熱如通喉閉噎膈消痰聚

骨硬用此取其柔物也如化結痰退目眵翳障用此取

其去垢也此劑淡滲清化如諸病屬氣閉而呼吸不利

痰結火結者用此立清倘屬陰虛津燥髓竭營枯而成

肺痿熱脹分大時症多見此症痺悶不通諸疾法當禁用。

○集方治氣閉痰結火結喉脹不通用蓬砂一錢放口中

○喻化立消。○治木舌腫痛用蓬砂一錢研細以薑汁調
齋羽燕塗腫處。○治咽喉腫痛用蓬砂一錢白梅肉一
個搗丸莢實火每喻化一丸。○治目翳并努肉遮睛用
南蓬砂一錢片腦五釐研細以燈草頭蘸點之。○治小
兒陰癰腫大不消用蓬砂一錢研水塗之即消。○解一
切毒食并治一切惡瘡疥毒用蓬砂四兩研細真菜油
一觔瓶內浸之遇有毒者服油一小盞。

石硫黃味酸氣熱有毒氣味俱厚純陽之物也入手厥陰經。

別錄曰石硫黃出東海牧羊山谷及太行河西山陶氏曰今南海諸嶺外州郡亦有不及崑崙雅州舶上來者此火石之精華石之液也李氏曰所在之處必有溫泉作石硫黃氣以類塊瑩淨光膩色黃嚼之無聲者佳夾土及石者不堪入藥蘇氏曰一種赤色者曰石亭脂青色者曰冬結石鶩黃色者曰崑崙黃半白半黑者曰神驚石並不堪用又有一種水硫黃出廣南及資州從溪洞木中流出以茅收取熬出者曰真珠黃氣極腥臭堪入瘡藥一種土硫黃出閩漳對海有山名鷄籠頭刮取山邊砂土日中暴乾和牛脂煎研去砂土漉出清汁乾之即土硫黃也入藥亦佳修治先以茱萸剉末置硫黃于茱萸空內合定用和雜火煨熟去其臭氣再以紫青浮萍同煮一日熬其火毒更以皂莢煎湯淘之去其黑漿。

○石硫黃暖血壯陽之藥也李氏曰此藥秉純陽火石之精氣而成質性通流色賦中黃故名方氏曰善治一切

冷病凡

氣、血、筋、骨、藏、府、形、骸、中。陽、神、失、令。陰、氣、迷、留。以

致惡血

血氣虧闕垂死或腰腎久冷頑痺痠痛或心腹

積聚冷飲

或老人寒秘。大便不通。或命門久衰。精

寒

不固或白帶淋瀝腰脊痠麻或下元虛冷脾胃久泄

或陰陽交紐。霍亂絞痛。或雀疵汗斑。皮膚蟲疥。其氣雖

熱而疏利大腸與燥瀉者不同是亦救危要藥也寒證

服之固有速効。但中病卽已。不可假此以嘗服多服也。

○繆仲醇先生曰硫黃古方未有服餌者。農皇所用止於

治瘡蝕疽痔等。而近世遂爲膏服丸散如來復丹半硫

九。金液丹。黑龍丹。諸方。稱其功用。亦未能殫述。然而人

身之中陽嘗有餘陰嘗不足病寒者少病熱者多苟非

真病虛寒。胡可服此大熱毒藥。世人徒知其取効輕捷。而不知其有酷烈之害也。韓退之作文戒服食。晚年服硫黃而死。可不懼哉。

○集方

方脈正宗

治男子婦人血氣久冷。陽道不振。遍體肉寒。四肢

痿弱。脾胃不實。日多溏泄。用石硫黃四兩。豆腐泔水煮

三日夜。爲細末。當歸身八兩。於白朮八兩。山藥四兩。砂

仁二兩。俱炒燥。研爲末。配硫黃末和勻。神麴六兩。炒。研

末。打糊爲丸。如梧子大。每早服一錢。白湯下。男婦俱可

用。○治婦人產後惡血血閉。脹悶垂死。用石硫黃火硝

各二兩。醋炒。結成砂。乳香沒藥各一兩。瓦上焙出汗。共

研爲末。每服一錢。白湯調下。○治腰腎虛冷。頑痺痠痛。

用石硫黃二兩醋煮三日。附子一兩童便煮爛。搗膏草
蘇牛膝各四兩俱酒拌炒。共研爲末。煉蜜丸。梧子大。每
早服二錢白湯下。○治心腹積聚。冷飲涎癖。用石硫黃
二兩。豆腐泔水煮三日。研末。生半夏三兩。生薑二兩。泡
湯浸二日。瀝去水。連薑同搗干下。如泥。和硫黃末爲丸。
如梧子大。每早服一錢白湯下。○治老人寒秘。大便不
通。用石硫黃一兩。豆腐泔水煮一日。研末。生半夏二兩。
切碎。生薑二兩。取汁拌炒熟。搗爛。和硫黃末爲丸。梧子
大。每服一錢五分溫酒下。○治命門火衰精寒不固。用
石硫黃二兩。豆腐泔水煮三日。研末。鹿角膠四兩。龜板
膠二兩。和酒一觔頓化。山茱萸肉四兩。山藥三兩。共炒

燥研細和入硫黃末以膠酒和爲丸梧子大每早服二

錢白湯下。

○治婦人

方脈正宗

脾胃虛寒時多溏泄及白帶淋瀝

腰脊痠疼用石硫黃一兩豆腐泔水煮二日夜白朮四

兩黃耆五兩當歸三兩俱炒燥爲末和硫黃一兩搗勻

煉蜜丸梧子大每早服二錢白湯下。○治下元虛冷脾

胃久泄用石硫黃一兩豆腐泔水煮二日夜人參白朮

補骨脂各二兩丁香一兩俱微炒入硫黃末和勻神麴

三兩炒燥研末

衛生方

打糊丸梧子大每早晚各服一錢二分

白湯下。

○治寒暑交紐

霍亂轉筋中脘痞結或吐或瀉

腹痛厥逆二氣丹用石硫黃豆腐泔水煮一日火硝各

等分研細末醋煮乾炒成砂再研末遇此患每服一錢

陰陽水調服。此方又治久瘡不止。○治酒_毒鼈_血鼈_氣鬼
攻痛搖頭掉尾。上竄喉間。下抵腸腹。或附脇背。此藥俱
用白湯調服。又治小兒一切吐瀉。不拘冷熱驚食。用此
藥_三分。生薑一片。泡湯調服。又治頭風頭痛。百藥不
効。用苦茶調服五分。○治雀_目疵_汗斑_并皮膚蟲疥。以石
硫黃一兩。生用。雄黃八錢。真鉛粉六錢。三味同研極細。
如雀斑汗斑。用茄蒂蘸擦。如蟲疥。以臭椿皮蘸擦。三四
次。立効。○治酒_毒皴_赤鼻_并面紫風_乾瘡。用生石硫黃五
錢。黃丹三錢。輕粉二錢。枯白礬一錢五分。共研極細。每
晚臨睡時。用糯米粥湯調塗。早晨用熱湯洗塗。一月効。
○治諸_瘡癩_肉突出。如田螺頭。或如蛇頭。出長至寸許。

者用石硫黃生研末搽之即縮。○治頑癬不愈用石硫黃生研末一兩配傾銀過熟罐子一兩同研極細每日搽之。○治癰疽久不收口用石硫黃豆腐泔水煮半日研細末搽少許於瘡口。○治坎逆作呃用石硫黃燒烟嗅之立止。○治玉門寬冷用石硫黃煎水頻洗。

○石硫

青赤味酸苦氣熱有毒

別錄曰石硫赤石硫青俱生羌道山石間理如石者李氏曰此二種即石硫黃之多赤色青色者石硫赤又名石亭脂石硫青又名冬結石較之石硫黃力稍不及。

○石硫

青赤主治功用於石硫黃同茲不復贅。

○續補集方

其病同集

治欬逆。服藥無効者。用石硫黃滴乳香

各二錢。共爲末。以白酒半壺煎滾。入長嘴壺內。以病呃

人鼻中嗅之。即止。○治自汗盜汗。用石硫黃五倍子一

個。枯礬一錢。共爲末。以酒調填臍上。以絹帛繫縛一宿。

即止。

礬石味酸。瀉氣寒無毒。

別錄曰礬石出河西山谷及隴西武都石門益州晉州
青州慈州無為州諸處蘇氏云初生皆石燒碎煎鍊乃
成礬也凡五種其色各異白礬黃礬綠礬黑礬絳礬也
李氏云折而辨之不止五種白礬方土謂之白君出晉
州者上青州吳太次之潔白者為雪礬光明者為明
礬亦名雲母礬又次之東外狀如粉撲者為波斯白礬並
入藥為良黑礬鉛礬也出晉地其狀如黑泥者為崑崙
礬其狀如赤石脂有金星者為鐵礬其狀如紫石英引
之成金線畫刀上即紫赤色者為波斯紫礬並不入藥
餌惟丹竈及藥家用之綠礬絳礬黃礬俱見本品條下
其雜色者則有鴉屎礬鴨屎礬雞毛礬鴉礬皆下品亦
入外科家用也雷氏曰修治凡使白礬石時瓷瓶內置
于火中煨令內外通赤鉗揭起旋安石蜂窠入內燒
之每十兩用藥六兩燒盡為度取出放冷研粉以紙裹
安五寸深土坑中一宿取用又法取光明如水晶酸鹹
清味俱全者研作細粉以瓷瓶用六一泥固之候泥乾
入鉢三升于瓶內旋入五方呷及紫背天葵各取汁一
盞俟汁乾蓋瓶口更泥封上下用火百觔煨之從已至
未去火取出則色如銀研如輕粉用李氏云今人煨乾
謂之枯礬不煨者為之生礬入服食家法用新桑合盤

一具。于客室淨地。以火燒地。令熱。灑水於上。或若流于土。乃所白。繫于地。以集聚。名曰。四面。用灰壅定。俟一日。夜其石精皆飛于壅上。卽掃取之。更如前法。凡數遍。乃止。各日。繫精。若欲作水。卽以桶下。繫精一觔。納三年苦酒一斗中。澄清之。號曰。繫華。百日。彌佳。若急用之。七日亦可。

○礬石解諸毒。化痰涎之藥也。薛氏曰。經云。澼可止脫。白

礬有之前古。主洩痢。白沃寒熱等疾。蓋指洩痢久不止。虛脫滑洩。因發寒熱耳。此藥味澁。氣寒。體質以澁湛堅。明爲用。故寇氏方主濕熱染汚。崩濁不清之疾。若癰疽疔毒。若喉痺壅脹。若毒蛇百蟲諸毒。若中風涎痰。語音渾濁。或癰癩卒暴。人事昏迷。諸證服此。立安。能解毒消瘴。石藥中之救急劑也。但性燥急。而能劫水。如齒骨之疾。用之不利。岐伯有曰。入服傷人。骨因劫水故也。如陰

虛內熱火熾水涸發為涎痰為咽喉痛者不宜用如洩痢日久由於脾胃氣虛婦人白沃由於中氣下陷營血不足以致寒熱者亦不宜用如前古煉餌服之輕身不老增壽此漢人僞托神農之言誑世駭俗不足信也

○集方治洩痢

生力

日久內無積滯而滑脫者用白明礬一兩

鐵杓內熬枯為末醋打麵糊為丸如梧子大每服五十

丸烏梅湯送下

○治婦人

全方

白沃因經水不利子藏堅僻

中有乾血時下白物者用白明礬一兩如前法熬枯棗

肉和丸如棗核大納入戶內日一易之

○治癰疽腫毒

李延方

疥瘡發背不問老少用白明礬一兩生研末以好黃蠟

七錢鎔化拌礬末眾手急丸梧子大每服十丸漸加至

二十丸白湯送下服至一兩以上無不作效最止疼痛
不動藏府不損元氣活人不可勝數此藥不惟止痛解
毒善防毒氣內攻護膜止瀉托裏化膿生肌收口服至
八兩尤佳今名蠟礬丸○治喉痺喉癰乳蛾用白明礬
三錢鐵杓內溶化入劈開巴豆三粒熬乾去豆取礬研
極細吹入喉中立愈甚者以礬末五分以米醋調噙喉
間少頃吐涎愈○治中諸蠱毒齊生方用白明礬細茶葉各二
錢共爲末新汲水調服吐瀉卽効未吐瀉再服○治毒
蛇蟲傷人及射工沙虱等毒氣入腹口噤目黑手足厥
直用白明礬二錢爲末溫湯調灌○治蛇咬蠍螫及虎
犬等傷用白明礬少許熬化乘熱滴傷處立安○治中

風痰厥四肢不收氣閉昏塞人事不明者用白明礬一兩猪牙皂角五錢共爲末每服一錢溫湯調下吐痰卽甦○治風痰癰病用白明礬一兩細茶葉五錢共爲末紅麴打糊爲丸梧子大一歲十九大人以五十九爲率久服痰自大便中出

續補集方治風熱喉痛用新磚一塊浸糞廁中一月取出洗淨晒乾用白明礬八兩研末化水浸磚三日透取出晒乾又浸又晒以礬水乾爲度放陰處待霜出掃收

每服五分白湯調服○治初生小兒舌生白膜如皮裹舌或遍舌根用指甲刮破令血出以生白明礬燒枯爲末傳之卽退○治齒牙腫痛用白明礬一兩燒枯露天

大蜂房十兩微炙每用三錢水煎含嗽去涎○治百木

腫強用生白礬肉桂各等分爲末安舌上下○治小兒

鵝口滿口白爛用白明礬一錢燒枯朱砂二分共爲末

每以少許傅之日三次神驗○治口中氣臭用生白明

礬二錢入麝香數釐爲細末擦牙上○治目翳努肉用

生白明礬一錢水一合煎半合入白蜜些須調之以綿

濾過每日點三四次○治時行風熱目赤腫痛用生白

礬銅青食鹽川黃連各二分泡湯用軟白絹蘸洗兩眼

胞上○治耳出汁用白明礬五錢枯黃丹一錢共爲

末目吹一次○治脚氣衝心用白明礬三兩水一斗二

升煎沸俟通和浸洗○治黃腫水腫用白明礬一兩綠

礬二兩。白麵半觔。同炒令赤色。研爲末。以辣醋打米糊

爲丸。梧子大。白湯下。○治女勞黃疸。書云。黃家日晡發

熱。又惡寒。膀胱急。少腹滿。目黃。額上黑。足下熱。因作黑

疸。其腹脹如水狀。大便黑。時澹。此女勞之病。非水也。自

大勞大熱。交接後。入水所致。腹滿者難治。用白明礬燒

枯。火稍炒。黃各等分。爲末。每服二錢。以大麥粥汁調。日

三服。病從大小便去。○治二便不通。以白明礬生用。研

末。填滿臍中。以溫水滴之。十餘點。半刻卽通。如臍眼平

而不深者。以麥麵水和。作條圍之。○治卒時吐瀉不止。

用白明礬燒枯。研末五分。白湯調服。○治反胃嘔吐。用

白明礬。硫黃各一兩。研末。米醋煮乾。再研細。用麥麩打

糊為壯。梧子大。每服四末。薑湯下。①治刀瘡金瘡。用

白明礬燒枯。黃丹各等分。為細末。傅之。②治漆瘡作癢。

用白明礬一塊。泡湯拭之。③治小兒臍腫濕爛。用白明

礬燒枯。傅之。④治頭上黃水脂瘡。用白明礬燒枯。歷青

各等分。為末。清油調塗。⑤治足趾甲入肉作瘡。不可履

用白明礬燒枯。傅之。去惡肉。生好肉。用修脚匠細割

去甲角。旬日愈。⑥治陰汗濕癢。用白明礬燒枯。撲之。又

泡湯洗。

原缺

赤香附八兩童便浸厚朴薑汁拌炒白芍藥山查肉蒼
朮米泔浸各三兩苦參陳皮茯苓白朮各二兩炒甘艸
青皮各一兩五錢針砂四兩炒紅醋淬二次共爲細末
醋打紅麴末作糊爲丸如梧子大每早晚各服百丸白
湯下人虛者服五十丸人參湯下忌一切生冷油膩鷄
鵝羊鴨生硬并糍粽難化之物服過七日後便覺手掌
心涼口唇旁有紅暈起調理半月愈○又方治黃胖病
用綠礬炒紅四兩蒼朮米泔浸厚朴薑汁拌陳皮酒洗
俱炒燥各三兩甘艸六錢炒共爲末醋打紅麴末作糊
爲丸梧子大每早晚各服三錢米湯下○治食勞黃病
身目俱黃用綠礬二兩醋拌炒赤研爲末棗肉和丸梧

子大每服三錢食後白湯下。①治癰瘡作癢用礬紅五錢槿樹葉五十片螺螄肉二十個同搗爛用夏布裹擦之。○治走馬牙疳用綠礬一兩醋拌炒赤爲末入雄黃蓬砂水芒硝各一錢共研極細用溫茶漱洗淨。①治喉風腫閉用綠礬四兩用好米醋四兩拌濕日下晒燥研末吹之以頃用生薑一錢茶葉一錢泡湯汨漱再吹再汨漱半日愈。○治重舌木舌用綠礬刀頭上燒紅研末摻之。○治食積成鼓脹用綠礬刀上燒紅一兩研末入巴霜五分共研勻紅麴打糊爲丸如梧子大每早服三丸或五丸白湯下。○治瘡疾多嘔吐涎者用綠礬炒赤一錢乾薑三錢生半夏一錢山艸五分水一碗煎

半服。○治久痢^方虛積不淨。用礬紅三錢、茯苓五錢、共研極細水發爲丸。如菉豆大。每早晚各服一錢。人參、白朮下。○治小兒疳積、好食泥土、灰炭及生米、生肉等。用綠礬一兩、醋拌炒紅、研末。每服五分。米湯調下。○治^方下血、積年不止、虛弱甚者。一服取效。用綠礬四兩、入鍋內填實。瓦片蓋定。外用鹽泥固濟。大炭火煨通。出入青鹽、硫黃各一兩。共研細勻。再入一新砂鍋中。泥固濟。如前法煨取出。研細。附子一兩。童便煮爛。搗膏。調入煨過藥末內。和勻。再和稀粥糊爲丸。梧子大。空心白湯下。五十丸。

治遍身癩癧疥癢不常。用綠礬、芒硝各一兩。煎湯頻洗。浴漸愈。○治床褥中生臭蟲。用綠礬、樟腦各等分。刮床四角。永無臭蟲。○造屋樑柱關眼中。用綠礬搗和灰末拌勻。藏紙。一切蟻蠹蟲螫不生。莖厝棺木。○
○治小兒重舌。用膽礬研細敷之。

膽礬味酸澇苦辛。氣寒有毒。人足少陽膽經。

蘇氏曰。膽礬。山蒲州。與鄉縣。東亭谷窟中。有塊如拳。或如栗。其色碧綠。如鴨膏。而有白文者。為上。為末。搗。鐵印。變銅色。為真。味極酸苦澇辛。多生銅坑中。石間。擊之。縱橫解。皆成墨。又玉洞要訣云。膽礬。陽石也。出嵩嶽及蒲州中條山。與石異。氣而生。○今市家以綠礬。假作。不可不識。

○膽礬吐風痰消喉痺療齒疳齕爛之藥也。李氏曰。此藥得銅氣之精。相感而生。故色青。味澇。如銅味也。其性收歛。上行。能湧風熱痰涎。故治咽喉口齒諸毒。有奇功也。攻喉痺極速。垂死者。以鴨嘴膽礬一錢。為細末。溫醋一鍾調灌。大吐膠痰升許。即瘥也。但硝石之劑。多服有損津氣。宜暫用。不宜久服也。

○集方治大人小兒風痰用鴨嘴膽礬七分。小兒二分。溫

○醋湯調服。止吐出涎便。○治喉痺喉風腫塞不通用。

鴨嘴膽礬一錢。白礬礬二錢。炒共研細末。每以少許吹。

之吐涎。○治口舌生瘡久不瘥。用鴨嘴膽礬五錢。入銀。

錫肉火炒赤。取起細研。每以少許傅之。吐出酸涎水。愈。

○治走馬牙疳。用大棗一個。去核。入鴨嘴膽礬濕紙包。

燒赤。研末傅之。追涎。○治小兒齒疳齕爛。用鴨嘴膽礬。

一錢。匙上燒紅。研細末。加麝香五釐。再研勻。取少許傅。

齕上。尤効。○治小兒鼻疳蝕爛。用鴨嘴膽礬火燒紅。研。

末。搽之。一二日愈。○治風眼赤爛。用鴨嘴膽礬三錢。食。

鹽一錢。紙裹火燒赤。研勻。每日取五分。泡湯一碗。隨時。

洗眼。○治風犬咬毒。用鴨嘴膽礬研末敷之。

伏龍肝即龍心土味辛苦微甘。氣濕性燥無毒。上部火土類。

陶氏曰此乃龍心對釜月下黃土也。以十餘年之龍得火土之氣方可取用。研細水飛過人藥用。

○伏龍肝溫脾滲濕止大便秘血之藥也。張相如曰藏而不出曰伏。隱而不見曰龍。藏血而收攝吾身之納氣曰肝。故命名曰伏龍肝也。體雖土質。深得積年火氣而成。性燥而平。氣溫而和。味甘而斂。以藏爲用者也。故善主血失所藏如金匱方之療先便後血。別錄方之止婦人血崩漏帶赤白。蜀本草之治便血血痢。污穢久延難病方之定心胃卒痛。及癰瘰暴絕。凡陰幽伏隱之疾。一時卒難治者。溫湯調服。七劑卽定。有神奇變化之莫測也。他如藏寒下泄。脾胃因寒濕而致動血絡。成一切失血。

諸疾無用不宜爾。觀結陰便血。當便之時。血隨便下。經
言結陰便血。一升。再結三升。三結三升。若人節養。失宜
以致陰血內結。滲入腸間。滲而即下。則色鮮。滲而留滯
而後下。則色黯。今醫方名其十治宜溫補。惟用此藥。加桂朮參耆最善。
○集方治結陰便血。用伏龍肝四兩。研細。水飛過。熟地白
朮黃芩甘草俱酒拌炒。阿膠蛤粉拌炒。各一兩。附子童
便製。八錢。以水四升。煮一升。溫服。○治婦人血崩。并白
帶。或延久血痢。用伏龍肝二兩。製法同前白朮茯苓當歸各
四兩。白薇三兩。桂枝一兩。俱用酒拌炒。磨爲末。煉蜜丸。
每蚤服五錢。熟地煎湯下。○治卒中惡氣。及壓瘕暴絕。
并心胃痛。楸用伏龍肝爲細末。白湯調服二錢。

土部 火土類

百草霜味苦氣溫無毒

李氏曰此乃竈額上積煤及爐蓋上墨烟皆是。以鵝羽掃之其質輕細故謂之霜。

○百草霜解三焦結熱化藏府瘀血之藥也。車體和曰。百草積烟凝結。烟雖發于火之先而烟之氣係百草津氣熏蒸。此得木之津火之氣也。如蘇頌主化小兒食積癰塊。婦人氣痞血瘀。取此得火氣之輕揚而散陰凝陳聚之物也。嶺湖治黃疸瘡脹咽喉腫閉口舌生瘡。取此得火氣之輕升而發越濕熱痰氣搏結之疾也。又古人有黑奴丸治傷寒陽毒發狂者。謂其清陽烟火之氣從治上焦心肺之火邪也。雜病方用治吐衄崩血不止者。

謂其輕滯以化之。通其滯也。之黑也。血見黑即止。亦從治。
熱勝動血。而安營血之暴走也。如陰虛火燥。咳嗽肺損。
者。勿用也。

○集方治小兒食積疳積。

方脈五宗共方五十一

服用百草霜三錢。巴豆霜一分。研

勻。以飛羅麩打糊爲丸。如綠豆大。每服一九。白湯化下。

○治婦人氣痞血瘕。用百草霜一兩。三稜莪朮各二兩。

乾漆五錢。俱用酒拌炒。紅麴爲粉。打糊丸。梧子大。每服

服一錢。酒送下。○治黃疸或瘧疾作脹。用百草霜一兩。

研極細。每服一錢。病疸者茵陳湯下。病瘧者草菓仁湯

下。○治咽喉無故腫閉。用百草霜白礬砂各二錢。研細

末。吹入喉間。○治口舌生瘡。用百草霜二錢。甘草一錢。

肉桂五分。頻頻搽之。○治傷寒陽毒發狂。用百草霜、金底煤各三錢、麻黃一錢、大黃一錢五分。水煎服。○治吐血^{天方}。血^{天方}衄血不止。用百草霜、白湯調服二錢即止。○治婦人^{家傳}崩血大脫。用百草霜、炮薑末各三錢。用人參三錢煎湯飲立止。○治積熱痢^{聖濟方}。用百草霜五錢、川黃連三錢微炒。共研極細。每服七分。米湯調服。○治胎前產後一切危證。用百草霜、香白芷各等分。爲細末。每服二錢。童便調下。二服即安。

○釜臍煤^{味苦氣溫無毒}。止吐血、血暈。并解中惡蠱毒。小兒客忤之藥也。臨病以童便調服。大人數錢。小兒數分。其治病大畧與百草霜同。

本草綱目

卷之四

井底泥

○京墨

味苦。氣溫。無毒。以松木燒制。宜遠細者為佳。無者不可入藥。如以他物燒烟者次之。

其治病與百草霜、金騰煤大同。

土部

水土類

田中泥治誤吞馬蝗入腹者。取此泥水飛去砂石。湯調數

錢服。當利出。如入耳者。取泥一碗。枕耳邊。聞氣即出。

井底泥療妊娠熱病。取此泥傅心下。及丹田。可護胎氣。

螺螄泥治暑赤痢。取螺一斗。水浸。取泥。白湯調服二錢。

蚯蚓泥沈氏曰。係蚯蚓食土。道出累累如珠粒粒成塊者。國圖培脚間及道途陰乾處多有之。散火

毒解天行狂熱之藥也。簡便方治傷寒陽毒譫狂。及時

行赤白熱痢。取半升。調沸湯飲之。即止。如被狂犬毒蛇

咬傷。和鹽水調敷。

本草彙言卷之十四

錢塘 倪朱謨純字甫選集

男倪洙龍沖之氏刪補

金之赤振先甫校正

穀部 麻麥稷

胡麻

又名脂麻。因石勒臨味甘氣平無毒。

李氏曰：胡麻本生大宛，故名。今江南北俱種之。有早遲二種，有黑、白、赤三色。其莖皆方，秋開白花，亦有帶紫色者。節節結角，長者寸許，有四稜六稜者，房小而子少。七稜八稜者，房大而子多，皆隨土地肥瘠而然也。其莖高四尺，有一莖獨上者，角纏而子少，有開枝四散者，角繁而子多，皆因苗之稀稠而然也。其葉有本圓而未銳者，有本圓而未分三丫如鴨掌形者，葛洪謂一葉兩尖也。蓋不知烏麻、白麻原有二種，葉也。又賈思勰辨胡麻即脂麻，又名巨勝子者，後人因莖方有稜，又以芫薸子為巨勝，以大麻子及大藜子偽為胡麻，以訛傳訛，誤而又誤矣。按芫薸子莖有三稜，子長一分許，大麻子黑如細韭子，味極苦，大藜子狀如壁虱，味辛，其子並無油。

脂不辨而用之許氏言各傳胡麻須夫婦同種大抵盛
時氏曰修補以大劑而得者則乾曰中春去舊皮用
○胡麻潤養五藏之藥也劉氏完素曰胡麻油殺也甄氏
言仙經所重久服潤五藏填精髓於男子有益如患人
神氣虛而噓噓吸吸者宜加用之陶氏又言病風人久
食則步履端正語言清利無寒濕之虞則知養元氣潤
筋脉正骨力可徵矣所以日華子又言逐遊風風濕脂
前催生落胞及產後血滯諸虛之證咸取用之亦推陶
氏養氣潤脉之意云但多服令人腸滑緣體質多油故
也宜蒸熟食之良生食者發痰生蟲脫髮炒食者發熱
燥血留心者當斟酌行之有不勝其用矣

○集方治五藏虛損補精髓益氣力堅筋骨用胡麻九蒸

九暴收貯。每用二合。清晨白湯送下。○治風痺痿軟無力。行步艱辛。語言蹇澁。用胡麻蒸熟。暴乾。每清晨乾嚼五錢。白湯送下。○治一切風濕。腰脚疼痛。并遊風行止。不定。用胡麻一觔。白朮八兩。葳靈仙酒炒。四兩。共研爲末。每早服五錢。白湯調下。○治胎孕足月。過期不產。用胡麻蒸熟。日服三合。乾嚼化。白湯送下。不惟善能催生。下胞平速。且無一切畱難諸疾。

續補集方。治牙齒腫痛。用生胡麻五合。水一升。煮汁。五合。含口中。汨漱。不過二三次。愈。○治小兒下痢赤白。用生胡麻一合。搗爛。白湯濾出汁。入煉熟白蜜五錢。調勻。不時用。重湯頓溫。以大茶匙徐徐飲之。○治小兒瘰癧。

用胡麻炒連翹微炒共為末早晚頻頻食之。○治胎毒
小兒初生以生胡麻滾湯泡熟研爛綿子包與兒啞之
其胎毒自解十日用一次以三年為止。○治小兒頭止
軟癰用胡麻炒微焦搗碎用酒少許調塗。○治坐板瘡
疥以生胡麻搗爛敷之。○治乳瘡腫痛以生胡麻搗爛
以香油調塗即安。

○胡麻油味甘氣微寒無毒。

李氏曰胡麻油入藥以烏麻油為上白麻油次之須生
作者良蒸炒作出者止堪飲食料中不堪入藥若市肆
者不惟已經蒸炒而又雜之以菜子油也

○胡麻油解百藥百蟲五金八石諸毒之藥也綱目曰取
油以生胡麻生作者良能解毒潤燥瘍科用此止痛消

睡去一切惡瘡疥癬。以此煎膏配鉛粉能生肌長肉。止痛補合皮裂。又主天行毒熱腸內結熱及虵結攻心作痛如炒熟柞取出者氣雖香烈入厨料中充餽食用甚美。不免能動痰發氣久食亦能損聲。

○集方治百藥百蟲及河豚諸毒治山嵐瘴毒諸毒及中

五金八石毒及砒霜毒並用生胡麻油一碗灌之吐出

毒物立愈。○治天行酷熱昏暈用生胡麻油一盞灌之

○治虵結攻心作痛用生胡麻油一盞灌之隨用烏梅

五個花椒三十粒泡湯一鍾飲之。○治難產不下因血

乾澀也用生胡麻油和白蜜一鍾飲之胎滑卽下。一方

用生胡麻油命穩婆手灌入產門內收之卽來并治死

胎立止。○治癰疽發背初起服之使毒氣不內攻以生
胡麻油無灰好酒各一觔和勻分五次飲。○治打撲傷
腫用生胡麻油和酒飲之以火燒熱地卧之覺即疼痛
俱消了無痕跡。

治誤食銀幼漸爛腸胃延日隨死每日用飴糖四兩熬
成小丸不時以胡麻油吞下。○胡麻湯治一切腰痛用
胡麻仁杜仲當歸川芎續斷白芍藥牛膝各二錢水煎
服。○腰痛宜分新久新痛宜疏逆氣利濕熱久則補腎
兼補氣血如痛由風寒水方加羌活防風風濕加蒼朮
杞子補骨脂氣血兩虛人參黃耆白朮倍當歸白芍藥
瘀血加乳香沒藥桃仁紅花

大麻味甘。氣平。無毒。沉也。降也。入手陽明。足太陰經。

李氏曰。大麻處處有之。剝皮可績布。收子可壓油。有雌雄二種。雌者結子名泉麻。其麻雄者不結子名牡麻。子則麻故泉者大麻之有子也。花名麻勃。子名麻黃。麻仁則子中仁也。爾雅翼云。菜黃種麥。麥黃種泉。葉狹而長。狀如菰母。草一枝七葉。或九葉。一葉又分五岐。五六月開細黃花。成穗隨結實。犬如胡荽子。其色黑。其稍白。而有稜。輕虛。可為燭心。若子放勃時。須去雄者。設未放勃而先去之。則又不成子矣。寇氏曰。修治大麻仁。極難去殼。取仁帛包。置沸湯中。浸至冷。乃出之。泔井中一夜。勿令著水。次日。日中暴乾。就新瓦上。揆去殼。紙揚取仁。粒粒皆完。張仲景方。用麻仁九。即此大麻子中仁也。先落地中者。食之有毒。

○大麻仁潤大腸風熱燥結之藥也。劉氏曰。麻木穀也。而

治風去燥同氣相求也。如傷寒論。陽明病。汗多。胃熱。便難者。屬火燥而結也。仲景方用此以通潤之。如老人氣閉。血燥。脾弱。而大便難者。婦人產後。血澀。氣結。營衛凝。

治而大便難者。屬血燥而結也。證治方用此以潤養之。他如癰風癩疾皮枯肢廢津衰毛落而營衛之氣不通者屬風燥而結也。陳士良用此以轉運風機。聖惠方用此釀酒以通肌竅之風結耳。然質性滑利多食有損血脉滑精氣痿陽事婦人多食即發帶疾以其滑利下行走而不守故也。

○集方治脚弱氣不行集方大便秘而小便數用麻子仁三兩另研杏仁四兩另研白芍藥厚朴枳實大黃各五兩俱酒拌炒研爲末入大麻子仁杏仁一總木和力和勻煉蜜丸梧子大每服五十丸以知爲度○治婦人產後氣結血燥木和力大便不通用大麻子仁紫蘇子各三兩水洗淨研細再

以水研濾取汁一盞分三三次服此方不惟治產後血燥凡老人諸虛血燥風秘氣秘大便不通皆得力也○
聖方治大風癩疾皮枯血燥眉髮脫落將成敗廢用大麻子仁五升水淘淨晒燥水氣以酒一斗浸一夜研取白汁用紗濾出入瓶中重湯煮數百沸收之每早晚以量飲之

續補集方治風水腹大腰臍重痛不可轉側用大麻子仁四兩研碎水濾汁入白米一升煮粥食此方并治老人風痺疼痛大便不通者○聖方治婦人無故月經不通或兩三月或六七月或一年者用大麻子仁二升桃仁四兩研勻熟酒三升浸二夜隨量不拘時飲之○聖方治消渴

飲水日至數斗。小便赤澀。用大麻子仁一升。水三升。煮百沸。飲湯代茶。不過五升。愈。○治血痢不止。用大麻子仁三合。水五碗。煮白沸。取湯再煮。綠豆三合。空心食。極効。○治跌打撲傷。瘀血在腹中。用大麻子仁二升。葱白二十枝。水六升。煮二升。服。血散不盡。再服。

○大麻皮

味甘

麻根

味苦

氣平。

無毒。

通血脈。

諸經各

朱字抄

麻根皮。活瘀血。通小便之藥也。蘇氏方治。搥打內傷。心腹瘀血。脹悶。及骨痛不可忍。或產難。胎孕不落。或胞衣不出。或瘀血血淋。小便結閉不通者。並宜用麻皮。或麻根。數兩。煮汁。飲立効。

浮小麥味甘苦氣平寒無毒升也浮也人足太陰經。

平氏曰浮麥即小麥之有皮無肉而空殼也水中淘即浮起者

○浮小麥止自汗盜汗之藥也平氏曰此藥係小麥之皮

枯浮無肉體輕性燥善除一切風濕在脾胃中如濕勝多汗以一二合炒燥煎湯飲立止倚屬陰陽兩虛以致

自汗盜汗非其安也

麥粉又名小粉味甘氣寒無毒沉也降也

李氏曰麥粉即小麥之麤皮洗筋澄出漿粉氣自如蠟今人聚衣帛多明之

○麥粉解熱毒止酒積之藥也萬氏曰此藥係小麥麤裏

弱膜見水下澄體重而潔善解一切熱毒

○集方治癰腫發背初起未破者取効如神用麥粉不拘

多火捏碎。鍋內炒化如飴糖。次炒。則乾焦而黑色。乘熱以米醋調成糊。磁罐收之。遇瘍毒。以藥敷毒上。留中孔。以綿紙貼蓋。以填痛止腫消而愈。治酒毒成積。用麥粉炒黃。五錢。白湯調服。不過一二次立止。

麥麵麵筋二件。詳載食物本草。

大麥芽味甘。氣溫。無毒。可升可降。入足太陰。陽明。手陽明經。

蘇氏曰。大麥南北皆有。形似小麥而大。色青有芒。鬚以水澆濕。再以濕草蓋之。數日即生芽。又名大麥蘖。萌乾去其鬚。用此粟黍穀豆麥五種皆可水濕芽。

○大麥芽和中消食之藥也。方氏曰。蓋麥之萌芽已出發生之機。已萌有傷於麵食阻而不行者。用已發之物而

發未發之物則未發隨已發腐也。李氏方謂其能解麥
麴米穀瓜菓之積。良有意耳。此劑補而又能利。利而又
能補。如腹之脹滿。膈之壅結。或飲食之不納。中氣之不
利。以此發生之物而開關格之氣。則効非常比也。如脾
胃虛而中氣滯者。大宜服之。與砂仁、歸半、扶朮同用。更
善。

○集方

陳子垣家傳

治諸病腹脹不拘老幼男婦初病久病虛實寒熱

等候用大麥芽微炒磨爲粉去皮淨虛脹加參耆扶朮

實脹加厚朴蘿蔔子寒脹加乾薑木香熱脹加黑山梔

黃芩以麥芽粉一觔配所屬佐用每味十之一或水發

或煉蜜丸隨證合用可也

配用佐使隨諸見證加人不必拘泥

大麥中仁詳載食物本草

糯米泔味甘氣溫無毒

翼文曰糯粘米也稂不粘米也然稂糯醱相似以粘不粘為異藏氏曰糯米其性溫故可為酒酒為陽收多熱西域天竺土潯熟糯歲四熟亦可珍矣

○糯米泔益氣止煩渴之藥也李氏曰此甘寒解熱氣有人食鴨肉膨脹不消者頓熟飲一盞即消

○糯稻稈

味甘氣溫無毒

活血解毒之藥也陳氏方治黃疸身面

如金色煮汁飲之并沐面浴身即退又燒灰治墜撲傷

損酒調服二三錢又取糯稻稈煮治作紙取嫩心以為

糝大為民利紙不可貼瘡能爛肉

○糯米糠

味苦氣溫

治齒黃燒取白灰日日擦之

○糯米主治功能詳載食物本草

○粳米泔味甘氣寒無毒

李氏曰粳乃穀類之總名也有早中晚三收諸本草以晚稻為粳者誤矣與糯米不同糯者糯也其性粘者硬也其性不粘而種各異

○粳米泔清熱涼血之藥也李時珍用此頗熱作飲能利

小便夏月入井浸冷善解暑渴戴元禮以此頗熱時

洗目善治風熱赤眼

粳黍梁粟秫粃稗及菰米八種俱詳載食物本草

薏苡仁味甘氣溫無毒沉也降也入足陽明手太陰經

別錄曰薏苡仁出真定平澤曰今多用梁漢者但氣劣於最良彼土人呼為簞珠故馬以爲擔珍珠也李氏曰二三月宿根自發高四五尺葉如初生芭蕉五月抽莖開紅花六月結實重累殼青縫堅薄而銳中仁如珠味甘食可以糯米釀酒一種形穿作念佛珠其仁少且無味大如棧柄糾結而味耳也修以八九月采實曬乾去殼用

○薏苡仁養胃健脾清肺導腎之藥也繆氏曰此藥得天

地冲和沉厚之氣以生色白體重質凝味甜爲脾胃肺

腎調和水火之劑寒而不泄溫而不燥補而不滯利而

不尅至和至美之品也前古謂久服益氣輕身去風濕

痺氣以致筋急拘攣不可屈伸者作粥釀酒或爲湯散

丸劑如久病虛人老癯幼弱之疾咸宜用之方氏曰凡風濕之證或麻或痛而肢體拘攣或脹或腫而腳膝難履或痿或痺而腰脊痠疼或脹或浮而皮膚水腫或嗽或嘔而痰涎壅盛或泄或瀉而大便不實或壅或痿而咳唾膿血或痿或閉而淋瀝帶濁是皆脾肺腎經蘊濕鬱火之證惟此劑可以治之其味甘入脾氣平和肺微

寒入腎爲養正去邪之神藥

○集方

仲景方

治周痺筋脉緩急偏虛

附子

方氏宗切片

一兩六錢童便煮

治風濕痺氣肢體麻木筋骨

歸白朮天麻半夏各四兩直

用薏苡仁一觔炒黃大

乾分作十劑水煎服○

用薏苡仁一觔炒當

寄生八兩分作二十劑

水煎服。○治風濕痺氣（方）皮體腫脹脚膝難行用薏苡仁

一觔木瓜牛膝各四兩桂枝二兩分作十六劑水煎服

○治風濕痺氣（方）肢體痠痺腰脊痠疼用薏苡仁一觔真

桑寄生當歸身川續斷蒼朮米泔水浸炒各四兩分作

十六劑水煎服。○治風濕痺氣（方）侵脾以致肌肉浮脹皮

膚木腫成喘急者用薏苡仁一觔炒肉桂乾薑砂仁車

前子葶藶子白芥子各二兩四錢郁李仁三兩研去油

分作十六劑水煎服。○治風濕痺氣（方）妨碍胸胃嘔吐痰

涎用薏苡仁一觔炒半夏膽星各四兩乾薑陳皮各

二兩生薑白芥子各一兩六錢分作十六劑水煎服。○

治風濕痺氣（方）時作泄瀉大便不實用薏苡仁一觔炒砂

仁三兩三錢研。木香二兩。白朮二兩。甘草二兩。一兩。
二錢分作十六劑。水煎服。○治風濕痺氣。內成肺癰。肺
痿。咳吐膿血。用薏苡仁一觔。炒。百合。百部。茯苓。紫苑。各
四兩。川貝母。桔梗。各二兩。甘草二兩。分作十六劑。水
煎服。○治風濕痺氣。小便癰閉不通。或成淋瀝。或成白
帶。白濁。用薏苡仁一觔。炒。淡竹葉。車前子。滑石。研。茯苓。
各四兩。白朮二兩。甘草二兩。分作十六劑。水
煎服。

續補集方。治孕婦生內癰。用薏苡仁煮汁。頻頻食之。○
治消渴飲水。用薏苡仁煮粥飲之。

罌粟米味甘氣寒無毒。

蘇氏曰罌粟花處處有之。子涉冬至春始生。苗極繁。李氏曰葉如白苣。三四月。凡四轉。大如仰蓋。亦有千。有白者。紅者。紫者。粉紅者。者。艷麗可愛。故又名麗春。長一二寸。大如馬兜鈴。上子如白米。極細。一罌有數百粒。如漿。同綠豆粉作腐食。尤作殺人藥。可止瀉痢。原味澁也。

○罌粟米清熱消痰潤燥結之藥也。

蘇氏曰體輕質浮氣

寒性滑而下痰。延潤燥結。

粥食極美。如發丹石金銀

銅鐵鉛錫諸毒者。需此煎湯。

飲立解。如無熱疾痰疾者

勿多食也。否則有傷脾冷胃之咎。

○罌粟殼味酸澁氣寒無毒。

○李氏曰凡用以水洗淨去蒂及筋膜取外薄皮陰乾細切以米醋拌炒入藥用

○罌粟殼飲氣澁腸禁瀉痢之藥也李氏曰凡泄瀉下痢

日久則氣散不固而腸滑肛脫者有之凡欬嗽諸痛日久則氣散不收而肺脹痛劇者有之俱宜此澁之固之收之飲之之藥是矣然瀉痢必須腹中無積滯咳嗽必須肺家無風寒客邪方可用此如積邪一有未盡劇爾服此欬澁之劑積邪得飲而愈甚所以多有變證陡作而淹延不已者亦有之所以後人多疑畏而不敢用也即有可用之際必宜醋拌炒或烏梅湯浸炒或入佐四君子湯用之不致閉胃妨食而獲奇効也

○集方治久痢不止用罌粟殼一兩去膜醋浸火烘三次

爲末。每服三錢。烏梅湯調下。虛甚可加參朮。熱甚可加
芩連。○治水瀉不止。用罌粟殼一枚。去膜。大棗十枚。烏
梅五個。水二盞。煎七分服。○治久嗽不止。用罌粟殼一
兩。去膜。火烘。蜜拌。三次。水二盞。煎七分服。

○治小水不通。因熱結者。用罌粟殼三錢。滑石。豬苓。澤瀉。
黃柏。瞿麥。扁蓄。各一錢。車前子。川牛膝。甘草。黃連。各二
錢。○治小水不通。因氣血兩虛而結者。用罌粟殼。人參。
茯苓。麥門冬。當歸。熟地黃。黃耆。白朮。甘草。各一錢。五分。
車前子。三錢。○治小水不通而渴者。是熱在上焦。氣分。
用罌粟殼。茯苓。升麻。澤瀉。燈心。各一錢。黃芩。二錢。○治
小水不通而不渴者。是熱在下焦。血分。用罌粟殼。一錢。

黃柏知母當歸生地車前牛膝丹皮各二錢甘草五分
○咳嗽不利而小水不通者是痰氣阻塞也用罌粟殼
一錢半夏陳皮茯苓枳殼桔梗杏仁白芥子蘇子旋覆
花各一錢五分○治大瀉而小水不通者後去多而前
來自少也用罌粟殼赤石脂各二錢枯礬一錢豬苓澤
瀉白朮茯苓各一錢六分肉桂八分或問罌粟殼止瀉
之藥何以復通小便膀胱之收攝則氣降化而能小便
氣散而逆則小便逆脹不通取罌粟殼之歛瀉小便自
行矣

穀部 菽豆類

大豆味甘氣平無毒

李氏曰大豆有黑白黃三種青熟數色黑者可入藥用及充食作豉黃者可作腐榨油造醬餘健可作腐及炒食而已皆以夏至前下種苗高三四尺葉闊有尖枝間小白花成叢附見其則黃而根枯焦矣結莢長寸餘絲

○黃黑大豆解白毒下熱氣之藥也繆氏曰善解五金八

石百草諸毒及蠱毒蠱毒諸毒宜水浸生搗作膏白湯

調服合又去風利水散熱故風痺癰瘡方中用之黃

疸水腫方中用之煩渴熱結方中用之又煮熟食之則

利腸炒熟食之則閉氣水浸生搗食之解毒敷之肉上

散癰腫又黃豆煮汁飲能潤脾燥故消積痢黑豆煮汁

飲能潤腎燥故止盜汗。但性利而質堅滑故多食令人
腹脹而利下矣。故孫真人曰如少食醒脾多食又損脾
也。於老人小兒宜少食之。

○集方治中風口喎及癱瘓不仁或頭風頭痛諸證又治
產後百病或煩熱痰癰身熱嘔逆或背強口噤或身頭
皆腫或呵欠直視頭旋眼眩手足頑痺此皆虛熱中風
也以豆淋酒治之其法用黃黑大豆各二升炒焦有微
烟出乘熱入瓶中。以好酒六升沃之。半日許傾出頓熱
隨量徐徐飲之覆被令少汗出。又不可多出汗。以身潤
津津即愈。○治新久水腫身面虛浮臍肚凸出川黑豆
五升微炒熟艾清水五升煮取二升去豆再加生白酒

一升煎取二升日三服水當從小便中出○治乳石發

熱用黑大豆三升水九升鐵鍋內煮至二升取汁徐徐

飲之○治久病陰虛夜熱消渴用黑大豆五升微炒天

花粉天門冬麥門冬各四兩水一斗二升煮至三升濾

山渣再如法煮去渣淨將二次汁總和入砂鍋內微火

慢熬用竹箸不住手攪熬稠如飴加煉白蜜八兩滾勻

入磁器收之每早午晚不拘時白湯調服十餘茶匙○

治消渴飲水用黑豆入烏牛膽中懸掛無雨濕處陰乾

百日每次吞五十粒早晚米湯下

續補集方治脚氣衝心煩悶不知人事以黑大豆一升

水三升濃煮汁服未散再服○治熱毒攻眼赤痛臉浮

用黑豆^升升。分作^升升袋。沸湯中蒸過。更互慰之。三次則愈。^治治妊娠^分腰痛。用黑豆一升。水三升。煮一升。頻頻飲之。^治治墮墜折傷。有瘀血在腹。氣短。用黑豆五升。水一斗。煮汁三升。頻頻服。劇者不過三作。^治治打傷^附腫。用黃大豆。水浸搗爛。敷之。^治治解巴豆毒^附不痢不止。用黑大豆。或黃大豆。一升。水三升。煮汁一升。飲之。黃黑大豆。葉搗爛。敷蛇咬。頻易取瘡。

人豆黃卷味甘氣平無毒

^{陶氏曰}大豆黃卷取黃黑大豆以井華水浸三日取出。羅內不時以水灑之。俟生蘗芽。生長四五寸。曬乾。用北

人以油炒烏

○大豆黃卷活而氣消水脹之藥也。繆氏曰。豆腎之穀也。

有容物之量也。體質堅脆而性滑利，非米穀之柔紉，壅滯之比。今水發爲基，啓開通透發之機，所有陳故潛藏之氣，以此沛然發露。若瘀血若水脹，毋容負固而強恃矣。故痔婦藥中多用之，有行瘀血之妙也。水腫方中多用之，有行水之功也。仰思前古治濕痺久着爲筋攣膝痛，皆血與水氣之所結也。其名曰卷，有卷舒發越之意。故局方牛黃清心丸用此，以去風痰解煩鬱，通心氣安神明，昏亂亦藉此開通發越之意云。

○集方治周痺邪在血脉之中，上下周身痺閉不通，及胃中阻滯，五藏結聚，或屬風，或屬水，或屬血者，用大豆蘗一觔，炒香爲末，勿服一錢，溫湯調下。○治水氣腫滿喘

急血便閉。用大豆黃卷醋炒。大黃酒炒。各等分。爲細末。每服八分。葱薑陳皮各二錢。泡湯服。以利爲度。

方解正宗

治老人痰火咳嗽。頻發胸脇滿悶。百節攻痛。形羸氣弱。飲食少進。用大豆黃卷一觔。曬乾炒燥。爲細末。每晚服一錢。黑棗泡湯調下。

赤小豆味甘苦酸氣平無毒。

蘇氏曰赤小豆江淮間多種之寇氏曰今關西河北
洛多食之李氏曰此豆以紫小而赤兼有黑斑者入藥
最良稍大而鮮紅及紫紅色者名赤大豆僅可供食用
並不療疾俱于夏至後下種苗科高尺許枝葉似豇豆
葉微圓而小至秋開花亦似豇豆花淡銀褐色而有
青二貨時收之可食入藥用者必須赤而老也

○赤小豆解毒消腫利水實脾之藥也李氏曰此豆小而

色赤為腎之心藥也其性下行通乎小腸故別錄稱為

行津液利小便消腫脹治下痢腸澼脚氣腫痛癰疽寒

熱而唐本草又謂通乳汁下產難胞衣凡一切氣血壅

逆不通作痛脹腫結有形之疾咸需用之如久服則降

令太過津血滲洩所以陳藏器有鹽食足輕人食身重

之說也。

○許長如先生曰。吹鼻瓜蒂散。及辟瘟疫用之。取其通氣除濕散熱耳。又仲景方。療傷寒瘀熱在裏身必發黃。用赤小豆湯。亦取此意也。

○集方治癰疽初作。用赤小豆搗末。水調塗之。即消散。○

治痘後結毒。用赤小豆搗末。鷄子清調塗。其性甚粘乾。

即難揭。入苧根末。即不粘。○治疥癩熱腫。用赤小豆。芙

蓉葉各等分。爲末。蜜水調塗。○治水氣腫脹。用赤小豆

五合。大蒜頭二個。生薑五錢。商陸根一兩。用水三升。同

煮豆熟。去薑蒜商陸。空心食。豆旋旋吸汁。令盡。腫自消

也。○治水氣從足起。入腹則殺。人以赤小豆五升。水一

斗煮極爛取汁四升溫漬足膝以豆日食代飯勿雜食

他物自愈○治水蠱腹大動搖有聲皮膚黑者用赤小

豆三升白茅根二兩水煮食豆以消為度已上四方俱

忌鹽味百日○治小水不通并熱淋血淋不拘男婦用

赤小豆三合微炒研為末每用二錢以葱湯調服○治

水穀痢疾用赤小豆二合微炒為末用黃蠟一兩溶化

和丸每空心服二錢白湯過○治脚氣腫痛甚急以赤

小豆一升煮湯飲豆渣炒微熱布包熨腿上○治丹毒

如火用赤小豆微炒為末鷄子清調塗○治乳汁不通

用赤小豆煮汁飲之○治婦人產難日久氣乏用赤小

豆一升以水五升煮汁二升入黃明膠一兩同煎徐徐

服服完即產。○治胞衣不下救急方用赤小豆男胎七枚女胎

二七枚東流水吞服之。

續補集方治中酒嘔逆食飲本草用赤小豆一升煮汁徐徐飲之。

○治腸痔有血州後方用赤小豆二升米醋五升煮熟日乾再

浸再晒以醋盡乃止研爲末每服二錢白湯下日二○

治重舌哦口用赤小豆爲末醋和塗之。

方脈正宗

○治瘟疫時氣人人傳染用赤小豆黑大豆各一兩微炒黃爲極細末每服一錢葱頭三個生薑三片煎湯調服。

綠豆味甘氣寒無毒可升可降陽中陰也入厥陰陽明經

李氏曰綠豆處處有之三月下種苗高尺許葉小而毛至秋別小花莢如赤豆莢粒露而色鮮者為官綠皮薄而粉多粒小而色淡者為油綠皮厚而粉少早種者呼為摘綠可摘摘也遲種者呼為拔綠一拔而已北人用之甚廣可作豆粥豆飯豆酒磨而為麪澄濾作粉可以作餌蒸糕盪皮樣索為食中常用之物以水浸濕會芽又為菜中佳品

真濟世之良藥也

○綠豆清暑熱靜煩熱潤燥熱解毒熱之藥也潘氏曰綠

豆色綠青黃之間色也所以李時珍稱為通厥陰陽明

經為肝脾之用藥也開寶方主一切熱毒熱氣燥熱及

金石川火藥毒酒毒煤毒烟毒為病煩熱燥熱口渴脹

悶便秘及腹痛頭疼水瀉血痢諸證用此壓熱解毒功

必倍之但氣味甘寒能治虛熱故孟詵方言補益元氣

和調藏府安養精神去十二經血脉中風燥此專為天
行暑熱金石丹火諸毒熱者設也若夫老人元虛氣弱
脾胃不實飲食減少大宜溫養者此藥雖良終非所宜
多食久食必有寒滯胃腸致生滿脹之患

○集方治暑

方脈正宗

熱霍亂用綠豆五合煮湯頓冷調六一散三

錢服○治用

時方

力人勞擾煩熱用綠豆五合人參三錢煮

湯一升徐徐飲之○治風燥血熱大便結燥小便赤澀

用綠豆一升懷熟地四兩麥門冬五兩水五升煮汁徐

徐代茶飲之○治金石丹火藥毒并酒毒煤毒烟毒為

病用綠豆一升生搗末豆腐漿二碗調服一時無豆腐

漿用糯米泔頓溫亦可○解砒石毒用綠豆五合生搗

末取冬青葉一握。何汁調服。

○豆芽菜味甘氣寒無毒。李氏曰解毒清暑通利三焦。潤達二便。但受濕熱鬱滯之氣而生。故善發瘡動氣。與綠豆之性稍有不同。而古人未之知也。

○豆葉味苦氣寒無毒。治疔毒癰疹。金石丹火諸毒。及霍亂吐下。並絞汁和溫湯飲之。

治風癰乾疥。用綠豆葉搗爛。和米醋少許。用舊帛擦之。
○稀痘方。用綠豆赤豆黑豆甘草各一兩。共後炒為細末。用竹筒削去青皮。兩頭留節。一頭鑿一孔。以豆藥末入筒中。用杉木布塞緊。黃蠟封固。外以小繩繫之。投入腹月莢。廁中。滿一月。即取出。洗淨風乾。每藥一兩。配臘月梅花瓣三錢。和勻。入紙封套內。略烘乾。兒大者。用一錢。小者。用五分。以霜後絲瓜藤上小藤絲煎湯調。空心服。一月。服一次。永無痘患。唐傳記。

零烏豆又名馬料豆味甘苦鹹氣寒無毒

陳氏曰零烏豆即黑豆之形扁者非黑大豆之黑而穢又非穉豆以穢而細也

○零烏豆解內熱消渴止陰虛盜汗之藥也楊氏曰諸豆

皆為腎穀而零烏豆更能補腎緣氣寒耳故煮熟喂養

驢馬而善行少疾蓋驢馬性熱而零烏豆氣寒故也人

多食又能滑腸動泄脾胃虛乏者忌之盜汗屬陰虛非

內熱者用之亦無益也

穉豆味甘氣溫無毒

李氏曰穉豆是野生今收子種之小科細粒霜後乃熟如黑豆黑而穢此豆黑而細又非馬料豆黑而扁也

○穉豆活血暖血之藥也陳氏曰此豆主婦人經行血病

產後血虛血寒血脹血痛血滯血淋炒焦浸酒飲之

藹豆味甘。氣溫。無毒。可升。可降。可飲。可散。入手足太陰氣分。

李氏曰。藹豆。二月下種。延蔓。籬垣間。葉大如茄。圓而有尖。花具紫白二色。狀如小蝶。有翅尾。莢生花下。凡十餘樣。或長或圓。或如龍爪。虎爪。或如猪耳。刀鋒。種種不同。皆累累成枝。白露後實更繁。行秋熟便不多生。故又名涼衍豆。俗訛為羊眼豆。亦形相似也。嫩時連殼蒸食。甚美。可充蔬菜茶料。老則收子煮食。子有黑白赤斑四色。一種莢殼厚硬。不堪食者。惟豆子。蠶則白色白者。方可入藥用。

○白藹豆。健脾清暑。和中益氣之藥也。時珍李氏曰。此藥通利

三焦。和調五臟。能化清降澀。奠安中宮之病。故蘇氏方

止霍亂吐利。清療解毒。夏月香薷飲用之。六和湯亦用

之。不惟消療解毒清暑。而尤能利水實脾。如病水火互

攻。變亂揮霍。倉卒暴發之疾。取藹豆生搗。調溫湯飲之。

立定。此屬脾之穀得天地中和之正氣故也。

○集方治老人脾胃不和。時作瀉泄。用白藟豆、白朮、山藥、

茯苓、淡苓各四兩。砂仁三兩。俱炒燥。研細末。每早服六

錢。以糖一撮。滾水調服。○治霍亂吐利。氣力軟怯。或

身熱煩渴。陰陽不分。寒熱交作。或傷食。傷酒。或成瘧痢。

以六和湯。用白藟豆、厚朴、木瓜、茯苓、藿香各一錢。香薷

二錢。砂仁、梨半、夏杏仁、人參、甘艸各五分。加生薑三片。

紅棗一枚。水二碗。煎七分。不拘時服。○治傷暑吐瀉。身

熱煩渴者。用白藟豆六錢。香薷一兩。厚朴四錢。陳皮五

錢。木瓜、甘艸各八錢。水五大碗。煎二碗。頓冷服。

○陳月巽云。夏月傷暑吐瀉。身熱煩渴。二三日不愈。吐利

愈劇。變陰證。四肢厥冷。人多不識。往往錯悞。明智之士。就於香薷飲中。加人參。白朮。附子。乾薑。各五錢。併煎。亦可救似暑非暑之轉屬陰寒證者。

黃大豆。白大豆。豌豆。蠶豆。豇豆。刀豆。毛青豆。俱詳載食物本草。

○治水腫。不拘大人。小子。用藊豆三升。炒黃。磨成粉。每早午晚各食前。大人用三錢。小兒用一錢。燈心湯調服。○
奇效治傷暑霍亂吐瀉。取藊豆葉搗汁一碗。涼飲立愈。

穀部類

淡豆豉味苦酸氣寒無毒可升可降。

李氏曰外臺秘要造豉法諸大豆皆可造豉以黑大豆者入藥良有鹹豉淡豉兩種入藥只宜淡豉其法六月內用黑大豆二三斗水淘淨浸一宿漚乾蒸熟取出攤席上候微溫即以蒿蓋之勿三日一看候黃衣上編即取曝乾篩簍極淨再以水排乾濕得所以汁出稍間為準印至甕中築極實乾桑葉覆蓋厚三寸許泥封甕口勿令泄氣大烈日連甕晒七日取出曝一時又以水拌入甕仍築實如此甕曝凡七次取出甕上蒸過攤去氣日久則豉成矣

○淡豆豉治天行時疾疫癘瘧瘴之藥也王氏曰此藥受

水濕皆黧之鬱積腐泥醞釀又氣蒸日曝周復七轉轉沉重為輕浮發腐臭為爽朗去陳濁為新清開幽閉為明暢乃宣鬱之上劑也凡病一切有形無形壅脹滿悶

停結不化不能發越致疾者無不宜之故統治陰陽互結寒熱迭侵暑濕交感。食飲不運以致傷寒寒熱頭痛或汗吐下後虛煩不得眠甚則反覆顛倒心中懊憹一切時火瘟瘴癘痢斑毒伏痧惡氣及雜病科痰飲寒熱頭痛嘔逆胸結腹脹逆氣喘吸蠱毒_即氣黃疸黃汗一切沉滯濁氣搏聚胸胃者咸能治之。_{蓋氏}仙非關氣化寒熱時瘴而轉屬形藏實熱而成痞滿燥實堅者此當卻而謝之也。觀仲景施子豉湯則知邪乘表盡將裏之胸而未成陷入之實其證曰虛煩心中懊憹反復顛倒不得眠身熱不去者主之則得之矣。

○盧不遠先生曰豉者水藏之主穀也用蒸罨微晒之法

使之變水作火故可從治寒熱溫暑諸疾原從寒本作始者莫不驅除。

○集方治傷寒^{肝安方}一二日初覺發熱頭痛脉洪緊無汗者用

淡豆豉五合葱白二十莖葛根一兩麻黃五錢水三碗

煎一碗服覆被取汗愈○治傷寒^{傷寒論}汗吐下後虛煩不得

眠若劇者必反覆顛倒心中懊憹用梔子豉湯主之用

淡豆豉四合大梔子十四枚以水四碗先煮梔子二碗

半入豉同煮取藥汁碗半去滓分作二服溫進一服得

吐止後服如氣少者本方加甘艸五錢如嘔逆者本方

加生薑一兩○治大頭^疔瘡頭痛發熱胸脹氣急者用

淡豆豉八錢連翹一兩五片葱白五莖水五大碗

煎三碗半。徐徐服。○治寒熱瘧癘如瘧於山林溪谷中。

四五六片有病此者。用淡豆豉三錢。檳榔二錢。草豆蔻

一錢五分。柴胡大腹皮各一錢。生薑五片。水二碗煎一

碗服。○治時癘腹脹寒熱遍身疼。用淡豆豉五合。檳榔

五錢。水二碗煎一碗得吐即愈。○治血痢久不止并治

藏毒下血。用淡豆豉二兩。大蒜肉一兩五錢。火煨熟共

搗成膏。九梧子大。每早服百丸。白湯下。○治斑毒傷寒

用淡豆豉五合。赤小豆三合。生薑十片。水數碗煎汁頻

飲。○治烏痧惡氣刺血後仍腹痛未止。用淡豆豉五合。

蕎麥三合。水三碗煎汁待冷。頻飲。○治痰飲頭痛寒熱

嘔逆如傷寒相似。用淡豆豉三合。製半夏五錢。茯苓三

錢生薑十片。水煎服。○治中酒成病。用淡豆豉五合。葱
白十莖。水二升。煎一升服。○治寒食氣。三邪胸結腹脹。
用淡豆豉五錢。厚朴枳實薑水拌炒。各四錢。木香一錢
五分。川黃連一錢。水三碗。煎碗半。徐徐服。○治逆氣喘
吸。因寒邪食積者。用淡豆豉一兩。杏仁去皮。研八錢。真
紫蘇葉五錢。生薑五片。水二碗。煎一碗服。○治諸般蠱
毒。用淡豆豉五合。膽礬一錢。研末。水三碗。煎二碗。溫飲。
隨吐即愈。○治腳氣冷疼。腫脹。用淡豆豉五合。煮汁頻
飲。以渣敷足上。○治黃疸。黃汗。用淡豆豉五合。茵陳葉
二兩。生薑皮猪苓各五錢。水五碗。煎二碗。徐徐服。
續補集方。○治小兒偶觸惡氣。寒熱昏悶。用淡豆豉搗

成膏。團雞子大。以摩臍上及手足心。六七遍。又摩心胸
臍腹六七遍。放地上。卽瘳。○治小兒胎毒。用淡豆豉五
錢。濃煎汁一鍾。以小茶匙徐徐與之。十日一製。周歲爲
期。○治痰積。胸喘。用淡豆豉一兩。搗如泥。入砒石末三
分。枯白礬末二錢。九綠豆大。每用冷茶送下。七九小兒
三九。服時忌食熱湯飲食等物半日。○治妊娠胎動。用
淡豆豉五錢。當歸身二錢。白朮二錢。水煎服。○治陰莖
生瘡。用淡豆豉搗爛如泥。和蚯蚓蜚各等分。水調塗。乾
落卽易。忌酒蒜椒芥。○治殿傷有瘀血凝聚腹中滿悶。
用淡豆豉一升。水二升。煮十沸服。

○豆黃味甘氣溫無毒

李氏曰造豆黃法夏月用黑豆一斗蒸熟鋪竹席上以蒿葉覆之如會稽法待上黃赤剉取出曬乾搗末用

○豆黃補五藏氣力之藥也李氏曰此以豆蒸熟微煎出黃得腐熟生化之令故食療本草主開胃氣壯骨力潤肌膚益顏色填精髓補虛羸服此使人能食肥健搗末以豬脂和丸每服二百粒白湯送下

○治慢食瘟牛馬羊猪肉生出疔毒者用豆黃一兩爲末取柏油樹葉一觔搗爛絞汁一二碗和豆黃末在內頓服得大瀉毒氣乃愈如冬月無葉挖取嫩根研水服之以利二三次爲度○治胃脘痛屬火證者用豆黃三錢

橘紅黑山梔各三錢甘草一錢水煎服○治胃脘痛屬寒證者用豆黃三錢乾薑砂仁各二錢甘草一錢水煎服○治胃脘痛屬氣滯者豆黃三錢香附烏藥陳皮木香各二錢甘草一錢水煎服○治胃脘痛屬血瘀者豆黃三錢乾漆川芎玄胡索乳香各二錢甘草一錢共爲末白湯調服三錢○治胃脘痛屬氣血虛者用豆黃三錢人參白朮當歸川芎各二錢甘草一錢黑棗十個生薑三片水煎服

蒸餅即俗名味甘氣平無毒

李氏曰造蒸餅以小麥麴水調加以酢水和之蒸熟成餅其來最古凡藥所須且能治疾而本草不載亦缺典也取蒸餅懸掛風乾百日其麴已過性臨川以水浸脹插爛入藥用如罌葦素油鹽葱韭諸物作餠者不堪入藥

○蒸餅消食化滯養脾胃利三焦通水道之藥也時今酈氏曰

小麥之氣多濕熱而性頤沉滯今作餅已受醇氣蒸發

再加日受風日之氣濕熱沉滯之體已轉化輕虛鬆燥

之物矣故李氏方治宿食不消腹脹滿悶脾胃不和爲

隔爲噎爲噎爲淋凡屬脾胃二藏虛羸壅閉成疾者服

此虛者能補寒者能溫滯者能通脹滿者能消散矣再

按李時珍述王愛竹談藪云宋寧宗爲郡王時忽病淋

閉不通數日後愈甚。日夜凡三百起。國醫罔措。或舉民醫孫昌琳治之。琳用大蒜肉、淡豆豉、蒸餅三物各等分。搗爛。水和爲丸。梧子大。以溫湯吞百九。曰。今日進三服。病當減三之一。明日亦然。三日病除。已而果然。賜以千緡。或問其方。琳曰。小孩兒何緣有淋。只是水道不利故也。三物皆能通利。故爾。若琳者。其可與語醫矣。又戴元禮以此三物如法作丸。治隔噎病。腹脹病。小便淋閉不通病。皆得獲効。見戴氏類方。予亦依法修合。試用屢効。特表而書之。

麵米其氣溫無毒

李氏曰麵有米麥豆三種皆為酒糟所領故書云若作酒醴爾惟麵是矣造大小麥麵法用大麥或小米用片水帶皮淘淨以乾六月六日磨為末水和成塊用楮葉包扎懸當風處七日可用矣造麵法二伏時用綠豆五升以揀麥草汁煮爛又取乾辣麥葉為末五兩杏仁為末十兩小麥麵五觔和踏成餅用楮葉包懸當風處五十日生黃衣成矣造白麵法用小麥麵五觔糯米粉一斗和勻水拌濕踏餅用楮葉包懸當風處五十日成矣造米麵法用糯米粉一斗取辣麥草搗汁和作餅九楮葉包懸當風處五十日成矣已上諸麵俱要好日色晒乾再收懸當風無雨濕處藏之聽用入酒入藥俱可又他處造麵有用諸味辛烈草藥拌入者皆有毒僅可造酒不可入藥

○小麥麵消穀食止痢疾利胸膈化痰逆調中開胃止河

魚腹疾之藥也

○大麥麵消穀食止痢疾利胸膈化痰逆調中開胃下胎

氣脹滿之藥也

○麵麴米麴俱消食積酒積之藥也三麴主治俱健脾胃

積利痰開胃功用相同稍有分別亦不甚相遠如有辣

蓼草并有他辛烈有毒藥者惟胎前諸病不宜用也

○神麴味甘辛氣溫無毒

李氏曰按葉氏水雪錄云凡五月五日六月六日或連
伏日用白麴百觔青蒿汁紫耳汁野蓼汁各三觔赤小
豆末杏仁泥各三升用汁和麴豆杏末作餅麻葉柏葉
包著如造醬黃法布帛密覆俟冷黃衣生取出日曬風
以陳久者良

○神麴健脾胃消食之藥也方氏曰此藥藉小麥麴爲之麥

得木火之先機佐以五色五香五味以和之鬱之成麴

熟之生黃鼓中土之生陽發未萌之宿滯今被五穀之

所傷者用麴入前能化糟粕行大腸鬱滯伸舒善消善
運者也故元素方治病脾胃虛乏不能消化水穀以致
胸膈痞悶腹脇膨脹經年累月嗜臥食減口中無味及
老弱久瀉虛人久瀉產後食少作瀉小兒疳積泄瀉等
病並宜用之此消運之物而又能開胃進食有補益之
妙也。

○集方治脾

方脈正宗虛不能磨食

用神麴四兩白朮三兩人參一

兩俱炒枳實麴拌炒五錢砂仁炒四錢共爲末飴糖爲

丸梧子大每早晚各服三錢白湯下○治脾和方腎俱虛不

能消化水穀胸膈痞悶腹脇膨脹經年累月嗜臥食減

口中無味用神麴六兩大麥蘗五兩乾薑三兩俱炒用

大烏梅肉二十個。滾湯泡去核。搗爛爲丸。梧子大。每早晚各食前服三錢。砂仁湯下。○治暴泄不止。用神麴二兩。吳茱萸湯泡。六錢。甘艸四錢。俱炒燥。研爲末。醋調麵糊爲丸。梧子大。每服三錢。烏梅五個。泡湯下。

養氏方

○治產後瘀血不運。肚腹脹悶。漸成臃脹。用陳久神麴一觔。搗碎。微炒磨爲末。每早晚各服三錢。食前砂仁湯調服。亦可治小兒食臃脹。

紅麴味甘。氣溫。無毒。

李氏曰。紅麴。本草不載。法出近世。亦奇術也。其法用白粳米一斗五升。水淘淨。浸一宿。蒸作飯。分作十五處。入麴母五兩。搓揉令勻。併作一處。以帛密覆。熱即去帛。攤開。覺溫。不可過冷。急堆起。又密覆。次日。日午。又作三堆。過一時。分作五堆。再一時。又合作一堆。又過一時。又分作十五堆。稍溫。又合作一堆。如此數次。第二日。用桶盛新汲水。以竹籬盛麴作五六分。蒸濕完。又合作一堆。如前法。作一次。第四日。如前法。用竹籬又蒸。若麴半浮。半沉。再依前法。作一次。又蒸。若俱浮。則成矣。取出。日乾。收之。其米透心者。謂之生黃。入酒及醢中。鮮紅可愛。未透心者。不甚佳。入藥以陳久。而性溫。透心者。良。

○紅麴。燥胃健脾。下水穀。活血氣之藥也。許氏曰。此藥受

濕蒸熱鬱。黧發而成。能入血分。故吳瑞方以此釀酒。飲

可破血行瘀。而治打撲傷損。又時珍方。以此煎酒。飲療

血氣刺痛。而治產後惡血不行。竊觀人受水穀。入於胃

中得中焦濕熱之氣薰蒸游溢化爲赤汁散布藏府經絡是爲營血紅麴以白米作飯入麴揉勻密覆旋分旋合旋合旋分令其濕熱鬱蒸變而爲赤其色久亦不淪與人身水穀醞釀化赤爲血之理相合乃得造化自然之微妙也故前人用此化宿食積滯和脾胃達營血之功得同氣相求之理消食健脾與神麴相同而活血散傷惟紅麴爲最故治血痢方丹溪翁尤爲要藥

○集方治停食作吐手足心熱腹脹胸悶用紅麴炒五錢白朮麩炒四錢甘艸炙一錢共爲末大人服二錢小兒服五分生薑湯下○治停食腹痛用紅麴香附各等分炒研爲末每服三錢酒調下此方亦可治婦人產後血

原缺

飴糖味甘。氣溫無毒。入足陽明。太陰經。氣分之藥。

李氏曰。飴糖。川粟黍穀麥同。糯梗諸米煎熬而成。棗稠如蜜。形怡怡然也。故名怡。若熬老能牽扯如成白絲者。名曰錫糖。傷錫也。白而堅硬成塊也。非脂麻只煎茶服不以藥用。

○飴糖養胃溫中益氣止泄之藥也。成無己曰。脾欲緩。急

食甘以緩之。飴糖之甘以緩中也。如眩暈。如消渴。如消

中。如怔忡煩亂。如忍饑五內顛倒。四體欲傾。如產婦失

血過多。卒時煩暈。如勞人嘔血盈盆。上逆不止。如老人

泄瀉頻仍。中氣陷下。如暴受驚怖。失神喪志。如讀書作

文勞心。瘁思神氣無主。已上諸證。皆係中焦營氣暴傷

之故。急以飴糖之甘。滾水調和飲之。諸證立定。神氣清

明。卽以甘緩之之驗也。此一段出易思補大熱飲如傷寒陽脉滿陰

脉弦。法當腹中急痛。以小建中湯。用飴膠之。其溫。爰稼
穡之士德。更協甘草大棗之甘平。桂枝薑芍之辛潤。佐
土德以培陽。令溫裏氣以和營衛。建中緩急而腹中急
痛自止。如陽脉之濇。陰脉之弦。安有不轉緩滑之狀乎。
所以仲景用此。亦取其以緩之意也。然此藥用米麥
浸蒸煎煉而成。於濕熱雖能補脾潤肺。而過用之大發
濕中之熱。生痰動火。最甚。凡中滿吐逆。酒病牙病。秘結
目赤等疾。咸忌用之。小兒多食損齒生蟲。一切腎家受
病。尤不可服。

○集方治傷寒裏氣虛寒。腹中急痛。用飴糖三錢。桂枝白
芍藥各一錢。甘草七分。生薑五片。大棗五枚。○治慢吞

相半骨鯁之類隔拒喉間用硬飴糖搓成彈丸吞之卽下○治服藥過劑悶亂者用飴糖食數片卽安

○治胎墜不安用飴糖五錢以砂仁泡湯化服○治大人小兒顛咳不止用白蘿蔔搗汁一碗飴糖五錢蒸化乘熱緩緩呷之○治大便乾結不通用飴糖搥成指頭大用香油塗拌綠礬末塞穀道內卽通

醬味鹹氣寒無毒

李氏曰：麴醬有大麥、小麥之麴，豆醬有大豆、小豆、豌豆、赤豆之屬。南北風土俗性不同，製造今江浙閩淮皆用黃豆一斗，煮極爛，拌小麥麴十五包，用竹扁鋪均，用布帛蓋好。三日發蒸，至七八日熟，取出，日下曬燥，每桶黃子十斛，入鹽七斛，井水四斛，攪攪，晒一月成矣。取面，上汁濾出，名醬油。每油十斛，加餛糖十二兩，入鍋煎百餘沸，收入淨磁罈內，入廚中，調諸腥食甚鮮美。取醬亦入磁罈內封藏一月，取出入廚充用。

○醬解百藥百蟲百獸諸毒，又祛時行暑熱，癰毒瘰癧氣之

藥也。陶氏曰：用醬入藥，當以黃大豆、小麥麴合作者良。

善解一切飲食諸毒，故聖人不得其醬不食，亦取其去

飲食百味中之毒可知矣。

○集方治百藥百蟲百獸毒損人者，以豆醬水洗去汁，取

豆瓣搗爛，一盞白湯調服，再取豆瓣搗爛，傅傷損處。○

治天行暑熱。瘡瘍疫氣。太熱不解。以豆醬今方水淘洗去
鹹味。取一盞搗爛。白湯調服。○治妊今方娠大便下血。豆
醬今方洗去鹹味。取一盞煎湯飲。○治手損今方掣痛。以豆醬
汁一碗去豆。和蜜半鍾。溫熱浸手指。即愈。

○治人卒中烟火毒。用黃豆醬一塊。調溫湯一碗灌之。即
甦。○治人遭火燒身爛垂死者。用臭醬一兩。取水白酒
一二甕。將酒傾溫。不可過熱。調醬於中。令患者浸酒中。
燒極重不死。天啟甲子秋八月。教場火藥發燒死藥匠
數百人。內十餘人遍體赤爛未死者。襄城伯令行此方。
浸活如數。

醋味酸辛。氣寒無毒。

李氏曰造米醋以三伏時用倉米一斗淘淨蒸飯搗冷
倉黃晒乾用水淋過再以倉米二斗蒸飯和勻入甕內
以水淹過密封暖處三七日成矣造糯米醋用糯米二
斗淘淨蒸飯用六月六日造成小麥麴和勻用水二斗
入甕封釀三七日成矣造粟米醋用陳粟米一斗淘淨
浸七日蒸熟入甕密封日夕用竹箸攪之七日成矣造
小麥醋用小麥水浸三日蒸熟會黃入甕水淹七七
成矣造大麥醋用大麥米一斗水浸蒸飯會黃酒乾水
淋過再以麥米一斗蒸飯和勻入甕水淹封三七日成
矣造餒醋用餒一斛水三升煎化入白麴末二兩煮封
晒成已上諸醋似可入藥其餘他方有
醋據諸藥作醋世供食嗽不可入藥

○醋解熱毒消癰腫化一切魚腥水菜諸積之藥也林氏

曰酸主收醋得酸味之正也直入厥陰肝經散邪斂正

故藏器方治產後血脹血暈及一切中惡邪氣卒時昏

冒者以大炭火入熨斗內以釀米醋沃之酸氣遍室中

血行氣通痰下而神自清矣。凡諸藥宜入肝者須以醋拌炒。製應病如神。又仲景金匱要畧治黃汗有黃者白芍桂枝苦酒湯。譚氏治風痰有石膽散子。俱用米醋入劑專取其飲正氣散一切惡水血痰之妙用也。

○集方治毒熱煩渴不寧用真烏犀角磨數分醋湯調服

○治癰疽初起用生附子以米醋磨稠汁圍四畔一日

上十餘次次日即消○治癰疽已成不潰用米醋調麻

雀屎如小豆大敷瘡上即穿也○治過食魚腥生冷水

菜果實成積者以生薑搗爛和米醋調食之即化○治

疝氣冲痛用青皮小茴香各五錢以米醋一碗煮乾加

水二碗煎八分溫服○治黃汗身腫發熱汗出而渴

狀如風水。汗沾衣。色正黃如漿汁。用黃耆五兩。白芍藥桂枝各三兩。米醋一升。水七升。共煎取三升。徐徐溫和作三日服。○治白虎風毒。用陳米醋三升。煎熱切葱頭一觔。入煎數沸。濾出葱渣。以舊布蘸醋乘熱熨之。○治霍亂。足上筋抽痛。用米醋煎熱。以舊布蘸醋乘熱熨之。○治一切毒蛇惡蟲物咬傷。以米醋調胡粉敷之。○治魘死。不省。用米醋少許。以口噙。用細竹管吹入鼻中。卽甦。○治胎死不下。用黃豆一升。以米醋煮食卽落。○治胞衣不下。腹脹痛多。致殺人。以米醋一碗和熱湯一碗。喫產婦面上。胞衣立下。

續補方治鎖喉風。脹悶不通。垂死者。用土牛膝搗汁半

碗加入真米醋半碗用鵝毛翎尖挑少許入喉中隨吐涎痰連挑十餘次吐痰碗許卽通。

酒味苦甘辛。氣大熱有毒。通入周身。藏府經絡諸處。

說文云。酒。就也。所以就人之善惡也。戰國策。六帝女儀。狄造酒。進之於禹。說文又云。少康造酒。然素問亦有酒。漿則酒。自黃帝始。非儀狄矣。古方造酒。品類極多。醇醪不一。惟糯米造者。入藥乃良。又必為陳久者。醇緩無毒。為化。觀陶氏云。大寒凝海。惟酒不冰。明其性熱。刺冠羣物。製藥多用之。以藉其勢。人飲多。則體疲神昏。言躁志亂。是其有毒故也。食貨志云。酒者。天之美酒。順養天下。享祀祈福。扶衰療疾。非酒不可。故曰。令仲冬。命大酋。秫稻必齊。麴蘖必時。湛醱必潔。水泉必香。陶器必良。火齊必得。兼用六物。大酋監之。無有差忒。又白孔六帖云。凡造酒。以糯米為上。粳米為中。粳米為下。樽本草云。葡萄。瓜。棊。杞。菊。芋。芭。林。檣。橘。種。李。梅。桃。杏。葱。豉。薑。椒。羊羔。鹿脂。虎脰。熊掌。凡生物果穀草木之易釀者。皆可造酒。入藥。惟秫酒之清者。稱為上品。夫祭祀必有酒。素養必有酒。燕享必有酒。是不容一日廢也。然其酒有戒。酒有征。沉酒有誓。美酒有誥。先王無不致儆于酒也。冠氏曰。造酒入藥。佐使專以糯米蒸飯。清水和白麴。麴所造為正。古人造酒。不加藥味。所以氣力醇和。今人造酒。以藥肆中。剩餘雜藥末。搗細和麴。為酒藥。其藥性酷烈。所以飲者。多有頭痛口乾之弊。

酒能升發陽氣通行血脉驅風雪之寒威禦暑濕之瘴氣通行一身之表至極高之分之藥也李氏曰夫酒為神仙美祿少飲則和血行氣壯神禦寒消愁遣興痛飲則傷神耗血損胃亡精生痰動火有損有益之物也邵堯夫詩云美酒飲教微醉後此得飲酒之妙所謂醉中趣也若沉湎無度醉以為常者輕則致疾失體重則敗行喪家而殞傷身命其害可勝言哉此大禹所以疏儀狄周公所以著酒誥為世範戒也扁鵲謂過飲則腐腸爛胃潰髓蒸筋傷神損壽王海藏謂古人以小麥麴造麴以為發熱有毒今之醞者又加大熱大毒之藥增其氣味豈不傷沖和耗精神酒營衛竭天癸而夭人壽耶

朱丹溪謂本草止言性熱有毒不言其能發濕中之熱。醉後振寒戰慄可見矣。又性喜升氣必隨之痰鬱於上。溺澁於下。恣飲寒涼其熱內鬱於肺與大腸二經其始病淺爲嘔吐爲自汗爲瘡疥爲鼻衄爲泄利及心脾痛等病尚可散而去之。其久病深爲消渴爲內疽爲肺痿爲腹脹爲失明爲哮喘爲勞瘵爲癰疽爲痔漏爲諸難以名狀之病矣。汪穎謂人戒晨飲而不知戒夜飲。醉後就枕。熱擁傷心。夜氣收斂。酒以發之。擾亂其清明。激薄其營衛。因而致病者多矣。又酒後食芥蒜及諸辣物。緩人筋骨。昏人頭目。醉臥當風。成癢風。醉浴冷水。成痛痺。好飲之人。多酒而得病者。用藥宜寒。酒生濕熱故也。不

飲之入。強飲而傷脾者。用藥溫酒。則酒氣行也。

○燒酒味苦氣大熱有毒

李氏曰。燒酒非古法也。自元時始造之。用濃酒和糟入甑蒸。上用鍋底受氣。下用器具承接。新甑氣露尤酸。壞之酒皆可蒸燒。近時以糯米或粳米或黍稷蒸成飯。以麴蒸其酒。露如木味。德慶列蒸麴和麴。釀麴中。七日以饌蒸取其清。如水味。德慶列蒸酒露也。日八日。還雜國以燒酒復燒三次。入杉實其甕。其甕以檀香十數。助燒烟。斯令如漆。然後入酒。以烟封。埋土中。二三年。絕去燒氣。取出用之。曾有人移至此國。有積病者。飲一二杯。即愈。且能發熱。予親見一人飲此酒。打下活。長二寸許。謂之酒蟲。云如過飲致食。悶不醒。以濃茶或菜豆湯灌之。即解。

○燒酒消冷氣化寒積。開鬱結。通墮隔。止久瘧。療陰毒腹痛欲死。逐瘟辟瘴。死赤白腫痛之藥也。